



Udhëzime për Mësuesit

Eksploro Biblën Nivelet 1 dhe 2

Seria A
Mësimet 7-12

Shërbimet Edukative Biblike

Registered Charity UK (No 1096157)

Deklaratë Misioni

Të prodhojmë mësim biblike për bashkëpunëtorët për t'i paraqitur brezit të ardhshëm në mbarë botën të vërtetën e Jezus Krishtit.

Deklaratë Vizioni

Të arrijmë brezin e ardhshëm me kurikulën tonë të plotë në gjuhën e tyre duke zhvilluar dhe mbështetur një rrjet global partnerësh të përkushtuar.

INFORMACION I PËRGJITHSHËM

Çfarë janë Shërbimet Edukative Biblike

Shërbimet Edukative Biblike botojnë mësimet biblike "Eksploro Biblën", NewLife dhe Gleaners në anglisht dhe mbështetin Shkolla Biblike Postare dhe organizata të ngjashme duke përdorur mësimet nga BES në Mbretërinë e Bashkuar dhe jashtë vendit, duke vizituar, duke krijuar rrjet pune, me këshilla dhe trajnime. BES është aktualisht duke bashkëpunuar me grupe në vende të tjera, të cilat janë të përfshirë në përkthimin, dizajnin, botimin dhe shpërndarjen e mësimëve.

Mësimet Eksplori Biblën u përdorën fillimisht në Irlandën e Jugut mbi 50 vjet më parë. Shërbimet Edukative biblike ruajnë përgjegjësinë botuese për Mësimet Bibletime në anglisht dhe në të gjitha gjuhët e huaja. Mësimet Eksploro Biblën janë botuar zakonisht në një format A4, që u mundëson studentëve në disa vende, çdo katër javë, të kthejnë mësimet në një Qendër të Shkollës Biblike për t'u kontrolluar. Së fundi, falë Every Home Crusade (Revival Movement) në Belfast, mësimet për gjashtë muaj janë botuar në një format A5, që e ka bërë më të lehtë përdorimin në Kisha dhe Shkolla, veçanërisht atje ku nuk ka një sistem postar të efektshëm.

Mësimet BES janë unike për faktin që janë përgatitur duke patur parasysh studimin në shtëpi ose në grup (Kishë/Shkollë), mësimet që ndjekin një plan mësimor që i mundëson studentit të vazhdojë studimet për deri në 20 vjet. Pesë nivele mësimesh janë të disponueshme për një grupë-moshë specifike, Parashkollor, 5–7, 8–10, 11–13, 14–16. Është një plan mësimor tre vjeçar për çdo grupë-moshë (Shiko faqen 4). Grup-moshat mund të variojnë sipas aftësive të ndryshme. Burimet Bibletime u japin fëmijëve mundësinë të studiojnë Fjalën e Perëndisë, të mësojnë Tregimet e Biblës dhe të përballen me rëndësinë e Ungjillit në jetën e tyre.

Kopje të botuara të mësimëve janë të disponueshme në anglisht nga uebfaqja BES – www.besweb.com ose nga Zyra BES në Mbretërinë e Bashkuar. Ato janë gjithashtu të disponueshme në uebfaqe edhe në gjuhë të tjera. BES ka dokumente që mund të jeni një ndihmë për ju nëse konsideroni të bashkëpunoni me ne, që edhe janë të disponueshme në uebfaqe.

BES Contact Addresses

Zyra në Mbretërinë e Bashkuar (Irlandë e Veriut) (shpërndarësi për të gjitha mësimet në anglisht)

37a Belmore Street, Enniskillen, Northern Ireland BT74 6AA

Telefon: 00 44 286 632 2462

Sekretaria për Mbretërinë e Bashkuar

Z. Stephen Gillham,

E-postë: stephen.gillham@besweb.com

Uebfaqja: www.besweb.com

E-postë: info@besweb.com

UDHËZIME për MËSUESIT

Fillimisht, mësimet Eksploro Biblën u ndërtuan për t'u përdorur në një sistem postar përmes një Qendre të Shkollës Biblike Postare, por këto mësimet janë duke u përdorur gjithnjë e më shumë atje ku sistemi postar është jo i sigurt ose ku nuk funksionon, veçanërisht në Kisha dhe Shkolla në Afrikë, Indi dhe vende të tjera. Udhëzimet e Mësimiit janë prodhuar për ata që i përdorin mësimet Eksploro Biblën në situata të tilla. Udhëzimet e Mësimiit në këtë Broshurë janë ndërtuar për t'u përdorur me mësimet e Nivelit 1 dhe Nivelit 2, të grupmoshës 5–10 vjeç.

Secili Udhëzim për Mësimin ndjek të njëjtin Referim Biblik si mësimi Eksploro Biblën. Mësimet dhe udhëzimet Eksploro Biblën janë ndërtuar për t'u përdorur çdo javë. Mësimet e prillit janë veçanërisht të lidhura me Pashkën dhe mësimet e dhjetorit janë të lidhura me Krishtlindjen.

Disa vende do të përdorin një botim javor A4 të mësimiit dhe të tjera vende do të përdorin broshurën A5 ku janë të përfshira 24 mësimet. Zakonisht mësuesi ose drejtuesi do të shpërndajë mësimin mujor A4 dhe çdo javë mësimi do të plotësohet në Kishë ose Shkollë ose do të merret në shtëpi dhe do të kthehet javën tjetër. Në fund të muajit mësuesi ose drejtuesi do të mbledh mësimin dhe do të bëjë vlerësimet e nevojshme, duke ia kthyer studentit mësimin e kontrolluar sa më shpejt që të jetë e mundshme.

Kur broshurat përdoren në mënyrë ideale, në fund të çdo takimi, broshurat do të mblidhen dhe vlerësohen. Ne e kuptojmë se në shumë situata kjo është e pamundur. Prandaj ato mund t'u shpërndahen në klasë studentëve të tjerë dhe mësuesi ose drejtuesi do të punojë me mësimet dhe studentët mund të vlerësojnë mësimet e shokëve të tyre dhe t'u japin pikët. Në pjesën e mbrapme të broshurës është një vend për pikët për mësimin e secilit muaj dhe një vend për komente për ecurinë që ka bërë studenti. Është edhe një certifikatë që mund t'i bashkëngjitet dhe t'i jepet studentit me një tregues të përqindjes që ka arritur studenti për gjashtë muajt e mësimëve.

PËRGATITJE PËR MËSUESIT

Ne nuk duam të jemi urdhërues dhe të mos u japim vend mësuesve për t'i përshtatur gjërat sipas mënyrës së tyre me idetë dhe iniciativat e tyre. Këto janë sugjerime që mund t'ju ndihmojnë me përdorimin e Burimeve Eksploro Biblën:

- **Njihu me tregimin** – Mësuesit duhet të jenë sa më shumë të familjarizuar me Tregimin nga Bibla si edhe me Mësimin Eksploro Biblën që e shoqëron atë. Në mënyrë ideale, Mësimi Eksploro Biblën duhet të jetë plotësuar nga Mësuesi përpara Mësimiit. Duhet të konsiderohen me kujdes edhe Udhëzimet për çdo Mësim si një ndihmë për planifikimin e mësimëve.
- **Kupto mësimet që janë për t'u mësuar** – Në fillim të çdo plan mësimi do të vini re fjalët 'Ne po mësojmë që', të cilat pasohen nga dy qëllime mësimi me shpresën që fëmijët do t'i kenë kuptuar pas dëgjimit të paraqitjes së mësimiit nga mësuesi dhe plotësimiit të mësimiit Eksploro Biblën. Qëllimi i parë për t'u mësuar ka të bëjë me njohurinë rreth tregimit, ndërsa i dyti i inkurajon fëmijët të mendojnë për këtë njohuri, ta zbatojnë atë dhe të ketë një përgjigje. Këto qëllime mësimi janë një pohim i saktë i koncepteve/të vërtetave kryesore të mësuarës në atë mësim dhe mësuesit mund t'i përdorin ato për vlerësim personal të mësimdhënies dhe nxënies që ka ndodhur.
- **Paraqite** – Me të gjitha Mësimet, ne fillojmë atje ku janë fëmijët me përvojën e situatës së tyre. Ne kemi sugjeruar disa mënyra që mund të përdoren për të paraqitur tregimin, që u mundësojnë fëmijëve të përfshihen në diskutimin e pikënisjes së tregimit.
- **Shpjegoje** – Ne kemi dhënë Pikat Kyç të tregimit. Ne shpresojmë që mësuesit nuk kanë pse t'iu referohen këtyre kur të paraqesin tregimin, por që do të jenë të familjarizuar me tregimin dhe në gjendje për ta shpjeguar atë në një mënyrë tërheqëse dhe frymëzuese. Mësuesi do të dojë që fëmijët të kuptojnë mësimet kryesore të tregimit dhe t'i ndihmojë ata të kuptojnë përgjigjen që mund të japin nga mësimi i tregimit. Sipas rastit, ne jemi përpjekur të gërshetojmë disa shpjegime për paraqitjen e tregimit. Këto janë të përfshira gjithnjë me **SHKRONJA TË PJERRËTA**.
- **Mësoje** – Kemi një Varg Kyç për çdo tregim. Në disa raste janë dy Vargje Kyç, duke qenë se ne kemi shtuar një Varg Kyç tjetër që mund të jetë më i lehtë për t'u mësuar nga fëmijët. Ne shpresojmë që fëmijët të mësojnë Vargjet Kyç dhe të kujtohen për to sa më shpesh që të jetë e mundshme ndërsa fillojnë të shtojnë njohjen e Vargjeve Kyç nga Bibla.

- **Plotësoje** – Në situatën e një shkolle do të jeni në dijeni për aftësitë e fëmijëve për të plotësuar fletët e punës si dhe nivelin e mbështetjes së kërkuar nga mësuesit. Për disa, do të jetë e nevojshme që mësuesi të lexojë tekstin e mësimit ndërsa fëmijët ndjekin atë që tani është një tregim i njohur. Fëmijë të tjerë mund të jenë në gjendje ta lexojnë tekstin në mënyrë të pavarur. Në secilin rast, një ide mund të jetë tërheqja e vëmendjes së fëmijëve ndaj udhëzimeve specifike të lidhura me pyetjet. Nëse ju po i përdorni mësime Eksploro Biblën në një kontekst jo-shkolle, është e rëndësishme të jesh i disponueshëm për të dhënë ndihmën tënde, që ky aktivitet të mos perceptohet si një detyrë e vështirë apo një provim. Ai duhet të jetë i kënaqshëm dhe inkurajimi e lavdërimi ndërsa punohet në këtë aktivitet janë të rëndësishme.
- **Kujtoje** – Atje ku është e mundshme, ne kemi sugjeruar lojëra me pyetje-përgjigje ose aktrim për të ndihmuar të kuptuarit e mësimit, si një mënyrë për të përsëritur tregimin.
- **Tregoje** – Ne e kuptojmë se në disa situata, ndihmat pamore do të jenë të vështira për t'u siguruar, por kurdo që është e mundshme, është e rëndësishme të keni figura ose objekte të cilat ndihmojnë në kuptimin e tregimit. Ndhimat pamore mund të jenë një ndihmë e madhe në tregimin e historive. Atje ku është e përshtatshme për secilin mësues ne kemi dhënë informacion rreth figurave nga figurat e www.freebibleimages.org (FBI), të cilat mund të shkarkohen nga uebfaqja e tyre. Lidhje specifike të uebfaqeve për Imazhet Falas të Biblës për të gjitha mësime Eksploro Biblën për të gjitha nivelet, si edhe për çdo seri janë të disponueshme përmes e-postës në një skedar Excel nga Zyra BES. Atje ku është e disponueshme një fotokopje, disa figura nga mësime Eksploro Biblën mund të zmadhohen, t'u shtohen ngjyra dhe të përdoren në mësime.

Mësimi i Vargut Kyç

- 1) Vargu mund të shkruhet në një fletë ose në një tabelë ku fjalë të ndryshme hiqen ndërsa fëmijët e përsëritin vargun derisa i tërë vargu të jetë hequr dhe studentët të jenë në gjendje ta përsëritin atë pa asnjë fjalë përpara tyre.
- 2) Për të paraqitur Vargun Kyç ju mund të përdorni:
 - a) Metoda 'Hangman' me dy skuadra – disa shkronja– hapësirat e Vargut Kyç jepen pa asnjë shkronjë në to – fëmijët zgjedhin cilën shkronjë ata duan, derisa dikush të jetë në gjendje të dallojë vargun.
 - b) Gara e Mprehtësisë ku Biblat janë të disponueshme dhe fëmijët garojnë për të gjetur vargun dhe i pari që e gjen e lexon atë.

Plani i Kohës

- **Rendi.** Ne kemi ruajtur të njëjtin rend në Udhëzimet e Mësimit për secilin mësues, por mësuesi mund të dojë ta ndryshojë këtë rend herë pas here.
 1. Hyrja dhe tregimi i historisë –afërsisht 15 minuta
 2. Mësimi i Vargut Kyç – 5–10 minuta
 3. Plotësimi i fletës së punës–20 minuta
 4. Lojëra me pyetje-përgjigje dhe aktivitete të tjera 5–10 minuta.

Mbaj mend thënien e rëndësishme:

“Ma thuaj dhe unë nuk do ta harroj,
Ma trego dhe unë do ta kujtoj,
Më përfshi dhe unë do ta kuptoj”.

Programi mësimor Eksploro Biblën

	NIVELI 0 (Parashkollor) NIVELI 1 (Moshat 5-7) NIVELI 2 (Moshat 8-10)	NIVELI 3 (Moshat 11-13)	NIVELI 4 (Moshat 14+)
SERIA FILLESTARE	<ol style="list-style-type: none"> Mësim fillestar–Hyrje U1 – Ungjilli i Lukës U2 – Ungjilli i Lukës U2 – Ungjilli i Lukës 	<ol style="list-style-type: none"> Mësim fillestar–Hyrje U1 – Ungjilli i Lukës U2 – Ungjilli i Lukës U2 – Ungjilli i Lukës 	<ol style="list-style-type: none"> Mësim fillestar–Hyrje U1 – Ungjilli i Lukës U2 – Ungjilli i Lukës U2 – Ungjilli i Lukës
SERIA A	<ol style="list-style-type: none"> Krijimi Noeu Pjetri Pjetri – Kryqi Abrahami Abrahami Pjetri Pjetri Jakobi Të krishterët e hershëm Pali Tregimi i Krishtlindjes 	<ol style="list-style-type: none"> Krijimi Noeu Pjetri Pjetri – Kryqi Pjetri Abrahami Jakobi Lutja Pali Pali Tregimi i Krishtlindjes 	<ol style="list-style-type: none"> Krijimi dhe rënia Zhvillimet e hershme–Zanafilla Pjetri Pjetri – Kryqi Pjetri Abrahami Jakobi Jeta e krishterë Pali Pali Tregimi i Krishtlindjes
SERIA B	<ol style="list-style-type: none"> Jeta e hershme e Krishtit Mrekulli Betania Kryqi Shëmbëlltyra Jozefi Jozefi Njerëz që takoi Jezusi Moisiu Moisiu Moisiu Tregimi i Krishtlindjes 	<ol style="list-style-type: none"> Shëmbëlltyra Mrekulli Betania Kryqi Të krishterët e hershëm Jozefi Jozefi Shkruesit e Ungjillit Moisiu Moisiu Moisiu Tregimi i Krishtlindjes 	<ol style="list-style-type: none"> Shëmbëlltyra Mrekulli Betania Kryqi Të krishterët e hershëm Jakobi dhe familja e tij Jozefi Veprat 2:42 – Rruga përpara Moisiu Moisiu Ligji Tregimi i Krishtlindjes
SERIA C	<ol style="list-style-type: none"> Danieli Më shumë mrekulli Më shumë mrekulli Vdekja e Krishtit Ruthi dhe Samueli Davidi Davidi Jozueu Elia Eliseu Jona Tregimi i Krishtlindjes 	<ol style="list-style-type: none"> Danieli Më shumë mrekulli Më shumë mrekulli Vdekja e Krishtit Ruthi Samueli Davidi Jozueu Elia Eliseu Njerëz që përdori Perëndia– DHV Tregimi i Krishtlindjes 	<ol style="list-style-type: none"> Danieli Thëniet e Jezusit Fuqia e Zotit Vdekja e Krishtit Ruthi Samueli Davidi Jozueu Elia Eliseu Më shumë karaktere nga DHV Tregimi i Krishtlindjes

A7 Tregimi 1

Pjetri që predikon – Ky tregim flet për Pjetrin që ndihmohet nga Fryma e Shenjtë për të predikur Jezusin.

	<p>Ne po mësojmë që:</p> <ul style="list-style-type: none">• Ishte e nevojshme që dishepujt të kishin Frymën e Shenjtë.• Fryma e Shenjtë jeton brenda të gjithë atyre që kanë besuar në Zotin Jezus si Shpëtimtar. <p>Vargu Kyç: Veprat 2:36 Pjesa e Biblës: Veprat 2:1-14, 36-39</p>
PARAQITE	<ul style="list-style-type: none">• Përdor pyetje për të paraqitur Frymën e Shenjtë. A mund ta shihni erën? Jo. Po si e dini që ajo është aty? Ju mund të shihni atë që bën ajo. Nëse mund të shihni jashtë, shikoni prova të erës.• Kujtoju fëmijëve tregimin e Pashkës – Jezusi kishte vdekur dhe ishte ringjallur. Përpara se të largohej për t'u kthyer në Qiell, Ai kishte premtuar t'u dërgonte dishepujve një ndihmues të padukshëm shumë të veçantë.• Ky ndihmues ishte një person i quajtur Fryma e Shenjtë, i cili do të vinte dhe do të jetonte brenda secilit prej tyre. Ashtu sikurse era, ata nuk do të mund ta shihnin Frymën e Shenjtë, por ata do të mund të njihnin ndryshimin që do të bënte Ai në jetët e tyre.
SHpjegoje	<ul style="list-style-type: none">• Një ditë shpejt pasi Jezusi ishte kthyer në Qiell, dishepujt ishin së bashku në një shtëpi në Jerusalem (Veprat 2:1-4). Befas i tërë vendi u mbush me zhurmën e një ere të fortë të furishme. Më pas diçka si flakë zjarri zuri vend mbi kokën e secilit. Kishte ardhur Fryma e Shenjtë! <i>Si mendoni se janë ndjerë Apostujt, tani që dhurata e veçantë kishte ardhur? (të emocionuar, të mahnitur, të lumtur që premtimi i Jezusit ishte realizuar).</i>• Më pas ata zbuluan se po flisnin në gjuhë të ndryshme! <i>Shpjegoni se zakonisht ne mund të flasim vetëm ato gjuhë që kemi mësuar nga prindërit tanë kur ishin të rinj ose që na janë mësuar. Dishepujve të Jezusit nuk u ishin mësuar ato gjuhë. Të gjitha këto shenja treguan që kishte ardhur Fryma. Çfarë do të kishte menduar po të ishte i pranishëm në atë dhomë?</i>• Njerëzit që ishin afër e dëgjuan zhurmën dhe ishin të hutuar dhe të mrekulluar! (Veprat 2:5-13).• Pjetri e dinte që kjo ishte mundësia e tij për të shpjeguar atë që po ndodhte dhe për t'u treguar atyre për Zotin Jezus (Veprat 2:36-39). <i>Diskutoni se çfarë mund të ketë qenë e vështirë për t'i predikuar (folur/shpjeguar) një turme të madhe njerëzish. (pak frikë, të dish fjalët e duhura për të thënë, i shqetësuar se çfarë mund të mendojnë ose bëjnë njerëzit...).</i> Por Pjetri mund ta bënte këtë, sepse u ndihmua nga Fryma e Shenjtë.• <i>Dëgjuetit e Pjetrit kishin nevojë të shpëtoheshin nga mëkati i tyre dhe po kështu dhe ne.</i>• <i>Shpjegoni që Fryma e Shenjtë i jepet kujtdo që beson në Zotin Jezus si Shpëtimtar. Fryma e Shenjtë do na ndihmojë t'u tregojmë të tjerëve për Jezusin.</i> <p>Plotësoni mësimin Eksploro Biblën. Tregojë: FBI – Dita e Rrëshajave.</p>
MËSOJE	<p>Mëso dhe shpjego në rastet e nevojshme Vargun Kyç – Veprat 2:36. Kjo është pjesë e asaj që tha Pjetri kur po predikonte. Ai u tha atyre se ata ishin populli që e kishte çuar Jezusin drejt vdekjes, por Perëndia e kishte ngritur Atë sérish në jetë. Kjo vërtetoi që Jezusi nuk ishte thjesht një njeri, por është Zot dhe Krisht.</p>
KUJTOJE	<ul style="list-style-type: none">• Ku ishin Apostujt kur erdhi Fryma?• Si u dëgjua Fryma?• Çfarë panë Apostujt?• Çfarë ishin në gjendje të bënin ata pasi u mbushën me Frymën e Shenjtë?• Kush dëgjoi atë që po ndodhte?• Cili Apostull u ngrit dhe shpjegoi atë që kishte ndodhur?• Për cilin foli Pjetri?• Çfarë u tha Pjetri atyre të bënin për mëkatin e tyre?• Çfarë dhuratë do të merrnin ata po të bënin këtë?• Cilët njerëz e kanë Frymën e Shenjtë që jeton brenda tyre sot?

A7 Tregimi 2

Pjetri shëron një njeri të çalë – Ky tregim flet për fuqinë shëruese të Perëndisë.

	<p>Ne po mësojmë që:</p> <ul style="list-style-type: none">Fuqia e Jezusit veproi përmes Pjetrit dhe Gjonit për të shëruar njeriun e çalë.Pjetri dhe Gjoni donin ta ndihmonin njeriun e çalë dhe ne duhet të kërkojmë të ndihmojmë të tjerët. <p>Vargu Kyç: <i>Niveli 1 - Veprat 3:6, Niveli 2 - Veprat 3:16</i> Pjesa e Biblës: <i>Veprat 3:1-12</i></p>
PARAQITE	<ul style="list-style-type: none">Përshkruaj me ndjeshmëri njeriun e çalë, i cili nuk mund të ecte, por veç të lypte para që të blinte ushqim për të mbajtur vetën gjallë.Ndoshta keni një palë paterica që mund të tregoni, por shpjegoni që ky njeri duhej mbajtur e çuar atje nga miqtë e tij.Përdor një vizatim të thjeshtë të një fytyre të trishtuar për të përfaqësuar këtë burrë.
SHPJEGOJE	<ul style="list-style-type: none">Një ditë ndërsa Pjetri dhe Gjoni po ngjiteshin në Tempull, njeriu i çalë u kërkoi para (Veprat 3:1-5). Thekson faktin që ata gjetën kohë për të ndaluar pranë tij.Përdor fjalët e Pjetrit. “Unë nuk kam as argjend, as ar, por atë që kam po ta jap: në emër të Jezus Krishtit Nazarenas, çohu dhe ec!” (Veprat 3:6-7). Shpjegoni që argjendi dhe ari mund të ndihmojnë pak – ato nuk mund të ndreqnin këmbët e këtij burri. Pjetri mund t’i ofronte këtij burri diçka që do ta ndryshonte krejt jetën e tij.Pjetri e kapi për dore dhe e ndihmoi të ngrihej në këmbë. Në atë çast, këmbët dhe nyjet e këtij burri u forcuan. Ai mund të ecte dhe kërcu për të parën herë në jetën e tij! Ai ishte plot lavdërim për Perëndinë dhe vazhdoi drejt Tempullit me Pjetrin dhe Gjonin (Veprat 3:8). Trego një vizatim të një fytyre të lumtur, në kontrast me atë të mëparshmen. Çfarë do të kishe menduar nëse e kishe parë vazhdimisht burrin e çalë të lypte çdo ditë?Të gjithë u habitën për atë që kishte ndodhur (Veprat 3:9-12).Konsideroni se si mund të ndjekim ne shembullin e Pjetrit. Flisni për ndihmën ndaj të tjerëve në një nivel praktik dhe mund të përmendni se gjëja më të rëndësishme që mund të ndajmë me të tjerët është lajmi i mirë rreth Zotit Jezus.Ashtu si ai burrë, edhe ne kemi një problem në jetët tona. Fuqia e Jezusit mund të largojë mëkatin tonë, sikurse ai burrë ishte çliruar nga pamundësia për të ecur.Mendoni për disa nga gjërat për të cilat mund ta lavdërojmë Perëndinë. <p>Plotësoni mësimin Eksploro Biblën. Tregojë: FBI - Një lypës i çalë shërohet.</p>
MËSOJE	<p>Mëso dhe shpjego në rastet e nevojshme Vargun Kyç – Niveli 1 - Veprat 3:6; Niveli 2 - Veprat 3:16. Nëse është e përshtatshme, fëmijët mund ta thonë Vargun Kyç ndërsa ecin, kërcëjnë ose hidhen nga atje ku janë.</p>
KUJTOJE	<ul style="list-style-type: none">Çfarë kohe ishte?Ku po shkonin Pjetri dhe Gjoni?Për sa kohë nuk kishte mundur të ecte ai burrë?Ku ulej ai çdo ditë?Çfarë i kërkoi ai Pjetrit dhe Gjonit?Emrin e kujt përdori Pjetri për të shëruar atë burrë?Ç’bëri tjetër Pjetri, përveç që i foli atij?Shkruaj tri gjërat që burri mund të bënte tani?Ku shkoi ai pasi u shërua?Ç’mund të bëjë fuqia e Jezusit në jetët tona?

A7 Tregimi 3

Pjetri në burg – Ky tregim flet se si Perëndia i ndihmon ata që i shërbejnë.

	<p>Ne po mësojmë që:</p> <ul style="list-style-type: none">• Të krishterët e parë u përballën me kundërshtim nga drejtuesit fetarë që e kishin kryqëzuar Zotin Jezus.• Ata që e duan vërtet Jezusin do të duan t'i binden Atij, çfarëdo qofshin problemet. <p>Vargu Kyç: <i>Hebrenjve 13:6</i> Pjesa e Biblës: <i>Veprat 4:1-22</i></p>
PARAQITE	<ul style="list-style-type: none">• Duke qenë se ky tregim është vazhdim i atij të mëparshëm, do të jetë mirë të rishikoni disa fakte bazë që në fillim.• Përdorni fytyrat e trishtuara dhe të lumtura si nxitje.• Si iu bënë e mundur të ecte atij burri? Sigurohuni që fëmijët të kuptojnë se kjo ishte falë fuqisë së Jezusit.
SHPJEGOJE	<ul style="list-style-type: none">• Pas kësaj, Pjetri dhe Gjoni predikuan për Zotin Jezus të ringjallur dhe shumë njerëz besuan (Veprat 4:1-2, 4). Por njerëzit në krye të Tempullit u inatosën që Pjetri po u fliste njerëzve që Jezusi ishte ringjallur. Dhe menjëherë ata e arrestuan Pjetrin dhe Gjoni dhe i futën në burg (Veprat 4:3). <i>Shpjegoni se si do të ketë qenë kjo për ata.</i>• Të nesërmen ata u nxorën prej andej dhe u morën në pyetje nga një gjykatë (Veprat 4:5-7). <i>Shpjegoni se një gjykatë është një grup njerëzish që vendosin nëse dikush është fajtor apo nëse ka vepruar gabim.</i>• Dhe prapë Pjetri u ndihmua nga Fryma e Shenjtë për të shpjeguar se si ishte shëruar ai burrë (Veprat 4:8-12). Gjykata e kishte të vështirë të dinte se ç'të bënte me Pjetrin dhe Gjoni! Ata e dinin se kishte ndodhur një mrekulli e madhe, por pasi e biseduan këtë çështje, ata e morën vendimin e tyre dhe e urdhëruan Pjetrin dhe Gjoni që të mos flisnin më për Jezusin (Veprat 4:13-19). <i>Si janë ndjerë Pjetri dhe Gjoni për këtë? A mund t'ju bindeshin atyre?</i>• Pjetri dhe Gjoni e dinin se do të ishte e pamundur për të mos folur për Zotin Jezus! (Veprat 4:20). <i>Ata e donin aq shumë Jezusin, saqë ishin të vendosur për t'iu bindur atij. Ata e dinin se mund të besonin që Zoti do të ishte me ata, pavarësisht se çfarë ndodhte. Fryma e Shenjtë do t'i ndihmonte.</i>• <i>Gjithashtu, Jezusi dëshiron që ta duam dhe t'i bindemi Atij, pavarësisht se sa e vështirë mund të jetë kjo.</i> <p>Plotësoni mësimin Eksploro Biblën. Tregoje: FBI – Pjetri dhe Gjoni arrestohen.</p>
MËSOJE	<p>Mëso dhe shpjego në rastet e nevojshme Vargun Kyç – Hebrenjve 13:6. Ju mund të luani lojën “Njeriu i varur” me pesë fjalët e para dhe me referencën e vargut përpara se të shtoni dy pjesët e tjera të vargut. Fëmijët mund të ndahen deri në tri grupe për të thënë secili një pjesë dhe të gjithë mund të përsëritin referencën. <i>A mendoni se këto fjalë mund të kenë qenë një ndihmë për Pjetrin dhe Gjoni? Shpjegoni se njohja e tyre mund të na ndihmojë edhe ne!</i></p>
KUJTOJE	<p>Bëj një kuic e vërtetë/e gabuar me pohime të shkruara në një kartë dhe të futura në një qese. Çdo pohimi le t'i caktohet një numër pikësh. (5 deri 100). Ki dy skuadra.</p> <ul style="list-style-type: none">• Policia ishte shumë e zemëruar me Pjetrin dhe Gjoni.• Ata kaluan një natë në burg.• Kur u nxorën prej andej, ata u morën në pyetje nga një gjykatë.• Pjetri i tha gjykatës se fuqia e Jezusit e kishte shëruar atë burrë.• Fryma e Shenjtë e ndihmoi Pjetrin dhe Gjoni që të flisnin në gjykatë.• Pjetri dhe Gjoni ia mbathën nga gjykata.• Gjykata vendosi që Pjetri dhe Gjoni nuk duhet të flisnin për Jezusin.• Pjetri dhe Gjoni thanë se do t'i bindeshin gjykatës.

A7 Tregimi 4

Pjetri çlirohet – Ky tregim flet për Perëndinë që i përgjigjet lutjes.

	<p>Ne po mësojmë që:</p> <ul style="list-style-type: none">• Perëndia u jep të krishterëve fuqi dhe ndihmë, që ata të bëjnë veprën e Tij.• Lutja është e rëndësishme për çdo situatë që mund të përballim. <p>Vargu Kyç: Ose Veprat 4:31 ose Mateu 6:33 Pjesa e Biblës: Veprat 4:23-31</p>
PARAQITE	<p>Flisni për lajme ose njoftime që fëmijët do të donin të ndanin me miqtë ose familjen – ndoshta një lajm emocionues për diçka që ata kanë bërë në një ekskursion ose që kanë fituar një garë. Ose ndoshta kanë qenë të shqetësuar për diçka dhe ndarja me miqtë i ka ndihmuar.</p>
SHpjegoje	<ul style="list-style-type: none">• Pjetri dhe Gjoni kishin lajme për të ndarë me miqtë e tyre (Veprat 4:23). Shpjegoni që lajmi i mirë ishte që ata kishin dalë nga burgu, por lajmi i keq ishte që atyre u ishte thënë të mos flinin për Jezusin!• Miqtë e Pjetrit dhe Gjoni morën një vendim të urtë për t'u lutur (Veprat 4:24-30). Ata e dinin që Perëndia ishte në kontroll. Ai ishte shumë më i madh se njerëzit që ishin përpjekur t'i ndalonin. Ndërsa u lutën, atyre iu kujtuan gjërat e mrekullueshme që tashmë Perëndia kishte bërë që tregonin fuqinë e Tij. Ata i kërkuan Perëndisë t'u jepte guxim dhe të bënte më shumë mrekulli përmes fuqisë së Jezusit (Veprat 4:29, 30).• Sapo kishin mbaruar së luturi, Perëndia iu përgjigj lutjeve të tyre! (Veprat 4:31). Shpjegoni që vendi ku ishin mbledhur u drodh, sepse Perëndia po u tregonte fuqinë e Frymës së Shenjtë, i cili do të ishte me ata për t'i ndihmuar ndërsa do flinin për Zotin Jezus.• Perëndia i dëgjon dhe u përgjigjet lutjeve tona dhe Ai do të na ndihmojë që ta vendosim të parin Zotin Jezus, sikurse njerëzit në tregimin e sotëm.• Me fëmijët e Nivelit 2, mund të zgjidhni t'i referoheni të krishterëve që jetojnë në vendet ku të tjerët përpiqen t'i ndalojnë për të mos u treguar të tjerëve lajmin e mirë për Jezusin. Ne mund të lutemi që atyre do t'u jepet guxim për ta vendosur të parin Zotin Jezus. <p>Plotësoni mësimin Eksploro Biblën. Tregoje: FBI – Pjetri dhe Gjoni arrestohen.</p>
MËSOJE	<p>Mëso dhe shpjego në rastet e nevojshme Vargun Kyç – Ose Veprat 4:31 ose Mateu 6:33. Në Mateu 6:33, fjala “kërkoni” do të thotë thjesht vendoseni. Mbretëria e Perëndisë do të thotë gjithçka që është e rëndësishme për Perëndinë dhe sigurisht që kjo përfshin Zotin Jezus.</p>
KUJTOJE	<p>Bëni një kuic për të gjitha tregimet nga A7.</p> <ul style="list-style-type: none">• Përse kishin nevojë dishepujt për Frymën e Shenjtë?• Çfarë panë dishepujt kur erdhi Fryma?• Përfundo Vargun Kyç: “Atë Jezus që ju e keni kryqëzuar, Perëndia e ka bërë _____ dhe _____”. (Veprat 2:36) [Tregimi 1]• Përse ishte ai burrë në Tempull duke lypur para?• Sa kohë kishte që nuk mund të ecte?• Plotësoni fjalët që mungojnë në Vargun Kyç: “Në emër të Jezu Krishtit Nazarenas, _____”.• Çfarë u vërtetoi kjo mrekulli njerëzve lidhur me Zotin Jezus?• Përse u futën në burg Pjetri dhe Gjoni?• Çfarë i urdhëroi gjykata që të mos bënin?• Çfarë ndodhi kur Perëndia iu përgjigj lutjeve të miqve të Pjetrit dhe Gjoni?

A8 Tregimi 1

Pjetri ndihmon Gazelën – Ky tregim flet për kthimin sërish në jetë të Gazelës.

	<p>Ne po mësojmë që:</p> <ul style="list-style-type: none">• Fuqia e Zotit Jezus ishte në veprim përmes Pjetrit për të shëruar Gazelën.• Ne duhet t'i përgjigjemi Zotit Jezus duke besuar në Të. <p>Vargu Kyç: Veprat 9:42 Pjesa e Biblës: Veprat 9:32-43</p>
PARAQITE	<ul style="list-style-type: none">• Flisni për mënyrat me të cilat mund të ndihmojmë njerëzit në nevojë, duke ndarë atë që kemi. Mundësisht përdorni ndihma pamore për të ilustruar mënyrat për ta bërë këtë.• Paraqiteni Gazelën si një zonjë shumë të sjellshme, që e donte Zotin Jezus. Për shkak të kësaj ajo e kalonte kohën duke i ndihmuar të tjerët dhe ishte e aftë të qepte e të bënte veshje për ata që ishin të varfër.
SHPJEGOJE	<ul style="list-style-type: none">• Një ditë Gazela u sëmur rëndë dhe vdiq (Veprat 9:37). <i>Si do jenë ndjerë miqtë e saj?</i>• Dy të krishterë shkuan dhe e gjetën Pjetrin, i cili ndodhej në një qytet afër, në Jopë (Veprat 9:38, 39).• Pjetri u nis menjëherë për te shtëpia e Gazelës (Veprat 9:40, 41). <i>Shpjegoni me hollësi se si në fillim Pjetri u lut, pastaj i foli asaj, e mori për dore dhe e ndihmoi të ngrihej në këmbë. Gazela ishte gjallë! Krahasoni skenën e lumturisë në krahasim me atë që Pjetri kishte hasur kur arriti në fillim. Theksoni që kjo ishte një mrekulli që Pjetri mund ta bënte vetëm në sajë të fuqisë së Zotit Jezus që vepronte përmes tij.</i>• Shumë njerëz besuan në Zotin Jezus (Veprat 9:42).• <i>Ne duhet të besojmë në Zotin Jezus, sikurse ata që e panë Gazelën të kthehej sërish në jetë.</i>• <i>Shpjegoni thjesht se çfarë do të thotë kjo – ne duhet të kuptojmë që Ai është Biri i Perëndisë, Ai është i gjallë dhe ka fuqinë të largojë mëkatet tona. Të besojmë në Jezusin do të thotë që ne shpresojmë tërësisht në Atë.</i> <p>Plotësoni mësimin Eksploro Biblën. Tregojë: FBI – Tabitha (Gazela) rikthehet në jetë.</p>
MËSOJE	<p>Mësoni Vargun Kyç – Veprat 9:42 <i>Ky Varg Kyç do të jetë i lehtë edhe për fëmijët më të vegjël – po prapë sigurohuni që fëmijët ta kuptojnë. Sigurohuni që ata e kuptojnë se kujt i referohet fjala “shumë”. Çfarë i bëri ata të besojnë në Zotin? Përse është e rëndësishme që ne të besojmë në Zotin? Si mund të besojë dikush në Zotin?</i></p>
KUJTOJE	<ul style="list-style-type: none">• Ku jetonte Gazela?• Si i ndihmonte ajo njerëzit?• Përse i ndihmonte ajo njerëzit?• Si u ndjenë njerëzit kur vdiq Gazela?• Kush shkoi për të gjetur Pjetrin?• Çfarë bëri Pjetri kur u gjunjëzua pranë shtratit të Gazelës?• Çfarë i tha Pjetri Gazelës?• Çfarë bëri Pjetri pasi i foli Gazelës?• Çfarë bënë shumë njerëz pasi Gazela ishte rikthyer në jetë?• Ku gjendet Vargu Kyç?

A8 Tregimi 2

Pjetri pati një vegim – Ky tregim flet për dashurinë e Perëndisë për gjithsecilin.

	<p>Ne po mësojmë që:</p> <ul style="list-style-type: none">• Pjetri ishte i bindur të bënte atë që Perëndia i kërkoi të bënte.• Perëndia i do të gjithë dhe do që të gjithë të njohin lajmin e mirë për Zotin Jezus. <p>Vargu Kyç: <i>Gjoni 3:16</i> Pjesa e Biblës: <i>Veprat 10:9-23</i></p>
PARAQITE	<ul style="list-style-type: none">• Fol për mënyrat se si njerëzit nga vende të ndryshme janë të ndryshëm – përdor figura dhe fotografi nëse është e mundur.• Fol për ndryshimet në lëkurë, flokë, veshje, gjuhë etj.• Perëndia krijoi gjithsecilin. Ai do që çdo njeri të mësojë për Vetën e vet dhe për Birin e Tij, Zotin Jezus.
SHPJEGOJE	<ul style="list-style-type: none">• Ndërsa Pjetri po lutej në Jopë, (lidhe me A8 Tregimi 1) Perëndia i mësoi Pjetrit se Ai i do të gjithë. (Veprat 10:9–16). <i>Nuk është nevoja për të hyrë në hollësi të vegimit. Fëmijëve të Nivelit 2 mund t’ju shpjegohet se kjo e vërtetë ishte e vështirë për Pjetrin për t’u kuptuar, sepse ai ishte një jude dhe deri në atë kohë ai mendonte se vetëm judenjtë ishin të rëndësishëm për Perëndinë. Pjetri duhej të mësonte se çdokush është i rëndësishëm për Perëndinë.</i>• Erdhën tre vizitorë dhe e ftuan Pjetrin që të shkonte me ata në shtëpinë e Kornelit. (Veprat 10:17–22). <i>Shpjego se Korneli ishte një ushtar romak i rëndësishëm, i cili kërkonte të mësonte më shumë për Perëndinë. Korneli ishte ndryshe nga Pjetri dhe Pjetri zakonisht nuk do të shkonte të takonte dikë si ai. Shpjego se si e dinte Pjetri që ishte e drejtë të shkonte te Korneli. (1) Prej asaj që Zoti sapo i kishte mësuar (2) Fryma e Shenjtë që e drejtonte atë.</i>• Pjetri udhëtoi për te shtëpia e Kornelit, në Cezare (rreth 60 km larg) (Veprat 10:23). <i>Përpiqu të japësh disa tregues të distancës, duke e krahasuar me një distancë të njohur për fëmijët. Kjo mund të ketë zgjatur një ditë të tërë. Përqëndrohu te bindja e Pjetrit ndaj Perëndisë ndërsa udhëtonte.</i>• <i>Thekso se Perëndia do që të gjithë ta dinë se Ai i do ata. Ai e dha Birin e tij të vdihte në kryq që gjithsecili të gjejë falje.</i>• <i>Nëse tashmë ke besuar në Zotin Jezus, ti mund të ndihmohesh të tjerët që ta njohin Atë.</i> <p>Plotësoni mësimin Eksploro Biblën. Tregoje: FBI – Pjetri i tregon Kornelit për Jezusin.</p>
MËSOJE	Mëso dhe shpjego në rastet e nevojshme Vargun Kyç – Gjoni 3:16
KUJTOJE	<ul style="list-style-type: none">• Me kë po qëndronte Pjetri?• Çfarë po bënte Pjetri në gjysmë të rrugës?• Çfarë dëshironte Perëndia që Pjetri të dinte kur i foli atij?• Sa njerëz erdhën për të parë Pjetrin?• Kë po vizitonte Pjetri?• Ku punonte Korneli?• Përse shkoi Pjetri te shtëpia e Kornelit?• Si e tregoi Perëndia se Ai i do të gjithë njerëzit në botë? <p>Shfaqe: Pjesa e tregimit ku arrijnë vizitorët mund të interpretohet dhe të vazhdohet në Tregimin 3. Drejtuesit e rritur mund të luajnë pjesët e vizitorëve dhe Pjetrit.</p>

A8 Tregimi 3

Pjetri dhe Korneli – Ky tregim flet për Perëndinë që shpëton një oficer të ushtrisë romake.

	<p>Ne po mësojmë që:</p> <ul style="list-style-type: none">• Korneli ishte një prej johebrenjve të parë (nga komebet e tjera) që besoi në Jezusin dhe si ndodhi kjo.• Perëndia është i gatshëm të falë mëkatet e kujtdo që beson në Të. <p>Vargu Kyç: Veprat 10:43 Pjesa e Biblës: Veprat 10:23-48</p>
PARAQITE	<ul style="list-style-type: none">• Duke qenë se kemi një vazhdim të tregimit të javës së kaluar, do të ishte e përshtatshme të përdornit disa nga pyetjet e kuicit nga Tregimi 2 për të rishikuar hollësitë.• Pasi ta keni bërë këtë, mund t'u jepni fëmijëve një shembull të një ngjarje të rëndësishme në komunitetin tuaj që i mbledh njerëzit bashkë për të dëgjuar lajme.
SHPJEGOJE	<ul style="list-style-type: none">• Pjetri mbërriti te shtëpia e Kornelit (Veprat 10:24-33). Ndhimoi fëmijët të marrin me mend skenën – shtëpia e mbushur plot me familjen dhe miqtë e Kornelit dhe të gjithë gati për të dëgjuar Pjetrin.• Korneli donte ta trajtonte Pjetrin si një vizitor shumë të veçantë, prandaj u përkul përpara tij! Pjetri i tha të ngrihej, pasi nuk ishte e drejtë t'i përkuleshe një njeriu të zakonshëm. Më pas Korneli shpjegoi se Perëndia i kishte thënë të dërgonte njerëz për Pjetrin. <i>Mund të zgjedhësh të theksosh që Perëndia i kishte përgatitur që të dy ata burra për këtë takim!</i>• Mesazhi i Pjetrit (Veprat 10:34-43). <i>Shpjegoni se si Pjetri u tha atyre që Perëndia dëshiron njerëz nga të gjitha kombet për të besuar në Të.</i>• Flisni për faktet që ai u tregoi për Zotin Jezus – se si Ai bëri gjëra të mira, shëroi njerëzit, u çua drejt vdekjes dhe i ngrit sërish nga të vdekurit prej Perëndisë. Një ditë Zoti Jezus do të jetë Gjykatës, por më i rëndësishëm është fakti që tani Ai u ofron faljen e mëkateve të gjithë atyre që besojnë në Të.• Përgjigjja e dëgjuesve (Veprat 10:44-48). Fryma e Shenjtë i ndihmoi këta njerëz të kuptojmë atë që u tha Pjetri. Ata besuan në Zotin dhe iu falën mëkatet.• <i>Shpjegoni se kur e dëgjojmë lajmin e mirë për Zotin Jezus, ne duhet t'i përgjigjemi Atij siç bënë këta njerëz. Duke besuar në Të, edhe ne mund t'i kemi mëkatet e falura.</i> <p>Plotësoni mësimin Eksploro Biblën. Tregojë: FBI – Pjetri i tregon Kornelit për Jezusin.</p>
MËSOJE	<p>Mëso dhe shpjego në rastet e nevojshme Vargun Kyç – Veprat 10:43. <i>Shpjegoni kuptimin për “kushdo” (çdo njeri) dhe “faljen” (heqjen).</i></p>
KUJTOJE	<p>Në vend që të bëni më shumë pyetje kuci, një ide është të bëni një fotomontazh fytyrash përreth Vargut Kyç me shkronja të mëdha në një flet. Secili fëmijë mund të vizatojë fytyrën e tij/saj. Kjo do të ndihmojë të përforcojë të vërtetën rreth dashurisë së Perëndisë që Pjetri kishte mësuar dhe do t'i ndihmojë ata të kuptojnë se “kushdo” i përfshin edhe ata. Ose ndryshe fëmijët mund të presin fytyra të ndryshme nga revista të vjetra nëse keni të tilla.</p> <p>Shfaqë: Siç është sugjeruar në Tregimi 2, kjo mund të aktrohet.</p>

A8 Tregimi 4

Pjetri çlirohet – Ky tregim flet për Perëndinë që i përgjigjet lutjes.

	<p>Ne po mësojmë që:</p> <ul style="list-style-type: none">• Miqtë e Pjetrit u lutën për të.• Që Perëndia mund të zgjedhë të bëjë gjëra të mrekullueshme si përgjigje ndaj lutjeve. <p>Vargu Kyç: Jakobi 5:16 Pjesa e Biblës: Veprat 12:1-19</p>
PARAQITE	<ul style="list-style-type: none">• Flisni për përdorimin e telefonave për të folur me miqtë tanë ose kur i kërkojmë ndihmë dikujt. Nëse mundeni, mund të përdorni një celular si ndihmë pamore.• Rishikoni konceptin e lutjes si të flasësh me Perëndinë. Perëndia nuk na flet (me zë), por Ai është gjithnjë i gatshëm të na dëgjojë. Ai ka fuqinë t'u përgjigjet lutjeve tona.• Në tregimin e sotëm një grup miqsh u lutën për diçka të rëndësishme.
SHPJEGOJE	<ul style="list-style-type: none">• Pjetri në burg (Veprat 12:1-4). Mbreti Herod i urrente ndjekësit e Jezusit. Jakobin e vrau. Shpejt mbas kësaj kemi arrestimin e Pjetrit dhe futjen e tij në burg. Kujtoni herën e mëparshme që kishte ndodhur kjo (Veprat 5 / A7 Tregimi 3).• Lutjet e miqve të Pjetrit (Veprat 12:5). <i>Diskutoni përse kjo ishte gjëja më e mirë për të bërë.</i>• Çlirimi nga burgu (Veprat 12:6-10). Kjo ndodhi natën përpara gjykimit të Pjetrit (<i>shpjegoni rëndësinë e rezultatit të këtij gjykimi</i>). Pjetri ishte lidhur me zinxhirë në mes të dy ushtarëve, por e kishte zënë gjumi top. Tregoni se si Pjetri ishte çliruar nga një engjell, duke i dramaturgizuar mirë hollësitë e ngjares, duke përcuar habi për atë që ndodhi. Pjetri mendonte se ishte në ëndërr.• Pjetri te shtëpia e miqve të tij. Pasi Pjetri kishte dalë në rrugë, ai kuptoi që Perëndia e kishte çliruar. <i>Si po ndihesh Pjetri tani?</i> Menjëherë ai u nis drejt shtëpisë së miqve të tij (Veprat 12:11-17). Përshkruaj Roden që iu përgjigj trokitjes së derës dhe reagimet e tyre. A duhet të ishin habitur ata?• <i>Diskutoni situatat për të cilat mund t'i lutemi Perëndisë. Perëndia i dëgjon gjithmonë lutjet tona dhe do t'i përgjigjet sipas mënyrës që Ai e di më mirë.</i>• <i>Ne duhet të kujtojmë të falënderojmë dhe lavdërojmë Perëndinë kur u përgjigjet lutjeve tona.</i> <p>Plotësoni mësimin Eksploro Biblën. Tregoje: FBI – Largimi i mrekullueshëm i Pjetrit nga burgu.</p>
MËSOJE	<p>Mëso dhe shpjego në rastet e nevojshme Vargun Kyç – Jakobi 5:16. Ky varg na thotë se lutjet tona mund të sjellin vërtet një ndryshim. Perëndia i përdor lutjet tona për të bërë veprën e Tij.</p>
KUJTOJE	<ul style="list-style-type: none">• Kush e kishte futur Pjetrin në burg?• Cilin kishte vlarë tashmë Mbreti Herod?• Ç'po bënte Pjetri kur Perëndia i dërgoi një engjell?• Përse ishin mbledhur bashkë miqtë e Pjetrit?• Çfarë i tha engjëlli të bënte Pjetrit?• Si e kaloi Pjetri portën e burgut?• Sa eci engjëlli me Pjetrin përpara se të ndaheshin?• Në shtëpinë e kujt shkoi ai?• Kush e gjeti Pjetrin te dera?• Përse Rode nuk e hapi derën menjëherë? <p>Shfaqje: Pjesa ku Pjetri e lë burgun mund të aktohet në çifte, njëri fëmijë si Pjetri dhe tjetri si engjëlli. Një i rritur mund të bëjë rolin e treguesit të pjesës, duke e sinkronizuar me veprimet e fëmijëve.</p>

A9 Tregimi 1

Jakobi mashtron vëllanë e tij – Ky tregim flet kur je egoist.

	<p>Ne po mësojmë që:</p> <ul style="list-style-type: none">• Të jesh egoist do të thotë ta vendosësh veten të parin, edhe nëse kjo i lëndon të tjerët.• Ashtu si Jakobi, edhe ne mund të jemi egoistë dhe kjo është të mëkatosh kundër Perëndisë. <p>Vargu Kyç: <i>Ose Zanafilla 25:28 ose Filipianëve 2:3</i> Pjesa e Biblës: <i>Zanafilla 25:19-34</i></p>
PARAQITE	<ul style="list-style-type: none">• A njihni fëmijë binjakë? A janë të ndryshëm apo të ngjashëm në personalitet dhe paraqitje? A ziheni ndonjëherë me vëllezërit tuaj dhe motrat tuaja?• Çfarë do të thotë të jesh egoist? A mund të mendoni për një rast kur dikush që njihni veprim me egoizëm dhe të lëndoi?• Ky tregim flet për dy vëllezër të cilët nuk shkonin mirë me njëri-tjetrin. Njëri prej tyre mendonte vetëm për veten dhe e mashtroi të vëllanë.
SHpjegoje	<ul style="list-style-type: none">• Isaku dhe Rebeka po prisnin binjakë. Përpara se binjakët të lindnin, Perëndia i tha Rebekës se djali më i madh do t'i shërbente djalit më të vogël (Zanafilla 25:19-23).• Kur lindën binjakët ishte e qartë se do të ishin shumë të ndryshëm. Djali më i madh, Esau, ishte leshator, por vëllai i tij, Jakobi, kishte lëkurë të lëmuar (Zanafilla 25:24-26). Gjithashtu atyre u pëlqenin gjëra të ndryshme – Esau u bë një gjuetar shumë i zoti, por Jakobi pëlqente të rrinte në shtëpi. Secili prind kishte një fëmijë të parapëlqyer. Isaku donte Esaun, por Rebeka donte Jakobin (Zanafilla 25:27-28).• Një ditë Jakobi po gatuate supë. Esau kishte qenë jashtë për gjueti. Ndhimoi fëmijët të përfytyrojnë skenën – Esau i lodhur dhe shumë i uritur, era e supës së shijshme! Esau donte që të kishte pak supë tani! Por Jakobi ishte tepër dinak. Menjëherë ai i tha se do t'i jepte nga supa vetëm nëse Esau do t'i jepte atij të drejtën e lindjes. <i>Shpjegoni të drejtën e lindjes. Zakonisht të drejtën e lindjes e merrte djali më i madh i lindur në familje. Kjo do të thoshte që ai do të bëhej kreu i familjes mbas vdekjes së babait. Gjithashtu ai do të merrte një pjesë të dyfishtë nga pasuria e të atit.</i>• Esau nuk u ndal e të mendonte, ishte shumë i uritur! Ai e lejoi veten të mashtrohej nga vëllai i tij dhe e shiti të drejtën e lindjes për pak supë (Zanafilla 25:29-34). <i>Diskutoni veprimet e të dy bijve. A veprimi mirë Jakobi që e mashtroi Esaun për të drejtën e lindjes? A duhet të kishte pranuar Esau për të shitur të drejtën e vlershme të lindjes veçse për një tas me supë?</i>• <i>A mendoni që Perëndia ishte i kënaqur me Jakobin dhe Esaun?</i>• <i>Ndonjëherë, sikurse Esau dhe Jakobi, ne mendojmë vetëm për atë që duam. Kur tregohemi egoistë ne po mëkatojmë kundër Perëndisë.</i> <p>Plotësoni mësimin Eksploro Biblën. Tregojë: bibleforchildren.org – Jakobi. FBI – Esau i shet Jakobit të drejtën e parëbirnisë.</p>
MËSOJE	Mëso dhe shpjego në rastet e nevojshme Vargun Kyç – Ose Zanafilla 25:28 ose Filipianëve 2:3
KUJTOJE	<ul style="list-style-type: none">• Cilat ishin emrat e të dy djemve në këtë tregim?• Cili djalë ishte më i madhi?• Përmendni dy mënyrat që djemtë ishin të ndryshëm?• Çfarë ishte e drejta e lindjes?• Përse mendoni që Jakobi e donte të drejtën e lindjes për veten?• Si e mashtroi Jakobi Esaun?• Çfarë mësim mund të nxjerrim nga ky tregim?

A9 Tregimi 2

Jakobi e mashtron babanë e tij – Ky tregim flet se si mashtroi Jakobi.

	<p>Ne po mësojmë që:</p> <ul style="list-style-type: none">• Rebeka dhe Jakobi donin ta mashtronin Isakun.• Mashtrimi dhe gënjeshtat janë të gabuara në sytë e Perëndisë. <p>Vargu Kyç: Ose Zanafilla 27:20 ose Psalmi 32:2 Pjesa e Biblës: Zanafilla 27:1-29</p>
PARAQITE	<ul style="list-style-type: none">• Çfarë do të thotë të thuash një gënjeshtër?• Në këtë tregim Jakobi i thotë gënjeshtra të atit. Gënjeshttrat e tij e lëndojnë shumë të atin dhe të vëllanë.• A mund të mendoni për raste të tjera kur dikush ka thënë gënjeshtra dhe ka lënduar dikë tjetër?
SHPJEGOJE	<ul style="list-style-type: none">• Tani Isaku ishte i plakur dhe i ishin dobësuar sytë. Ai donte që të bekonte djalin e tij më të madh, Esaun, para se të vdiste. Ai i kërkoi Esaut t'i përgatiste një ushqim të veçantë (Zanafilla 27:1-4). Shpjegoni se në kohët e Biblës një baba i jepte bekimin e tij djalit më të madh para se të vdiste.• Rebekës ia kapi veshi që Isaku do të bekonte Esaun. Ajo dhe Jakobi sajuan një plan për të mashtruar Isakun që në vend të Esaut të bekonte Jakobin. Kështu Rebeka gatoi një ushqim të veçantë dhe i mbuloi krahët e Jakobit me lëkurët e kecape, që ai të ishte leshator, si Esau (Zanafilla 27:5-17). Kujtoju fëmijëve që secili prind kishte një djalë të parapëlqyer. Djali i parapëlqyer i Rebekës ishte Jakobi dhe i Isakut ishte Esau. Secili prej tyre donte që bekimin ta merrte djali i tyre i parapëlqyer. Jepni një shembull të favorizimit në shtëpi apo në shkollë për një fëmijë, gjë e cila është e padrejtë!• Jakobi i çoi ushqimin e veçantë Isakut. Ai e gënjeu Isakun dhe pretendoi se ishte Esau. Isaku u habit që Esau kishte mundur ta gjente kaq shpejt ushqimin e shijshëm (Zanafilla 27:18-20). A mendoni se Perëndia i pëlqeu veprimet e Rebekës dhe të Jakobit? Përse/Përse jo?• Isaku kishte ende dysime. A ishte ky vërtet Esau? Ai dëshironte të sigurohej, prandaj kërkoi të ndjente leshin në krahët e Jakobit. Po ... krahët dukeshin si të Esaut, por zëri ishte si i Jakobit. Isaku ishte i pështjelluar në mendime. Kështu Jakobi e gënjeu prapë dhe i tha të atit që ishte Esau (Zanafilla 27:21-24).• Isaku e hëngri ushqimin që i kishte çuar Jakobi. Pasi kishte mbaruar, ai e bekoj Jakobin, duke menduar se po bekonte Esaun (Zanafilla 27:25-29). Si mendoni se do jetë ndjerë Isaku kur kuptoi se e kishin gënjer?• Përse mendoni që Perëndia na urdhëroi të mos gënjejmë?• Konsideroni shembullin e Zotit Jezus. <p>Plotësoni mësimin Eksploro Biblën. Tregojë: bibleforchildren.org – Jakobi. FBI – Jakobi mashtron Isakun.</p>
MËSOJE	Mëso dhe shpjego në rastet e nevojshme Vargun Kyç – Ose Zanafilla 27:20 ose Psalmi 32:2
KUJTOJE	<ul style="list-style-type: none">• Kush ishte djali i parapëlqyer i Isakut?• Kush ishte djali i parapëlqyer i Rebekës?• Çfarë do t'i jepete Isaku Esaut para se të vdiste?• A donte Rebeka që bekimin ta merrte Esau? Përse jo?• Si u mashtrua Isaku nga Rebeka dhe Jakobi?• Përse nuk e kuptoi Isaku që në të vërtetë ishte Jakobi?• A mendoni që Jakobi dhe Rebeka i pëlqyen Perëndisë në këtë tregim? Përse jo?

A9 Tregimi 3

Jakobi takon Perëndinë – Ky tregim flet për kujdesin e Perëndisë.

	<p>Ne po mësojmë që:</p> <ul style="list-style-type: none">• Ne mund t'i besojmë Perëndisë, sepse Ai i mban gjithnjë premtimet e Tij.• Perëndia kujdeset për ne. <p>Vargu Kyç: <i>Ose Zanafilla 28:16 ose Psalmi 86:11</i> Pjesa e Biblës: <i>Zanafilla 28:1-22</i></p>
PARAQITE	<ul style="list-style-type: none">• Kujtoju fëmijëve se si Jakobi e mashtroi Esaun në tregimin e mëparshëm. Esau u zemërua shumë dhe planifikoi ta vriste Jakobin. Jakobi vendosi të largohej nga shtëpia për ca kohë.• Kërkoju fëmijëve të përfytyrojnë sikur janë Jakobi. Si do të ndiheshin po t'ju duhej të largoheshin kështu nga shtëpia?• Shpjegojuni fëmijëve se ndonëse Jakobi kishte bërë gjëra të gabuara, Perëndia vazhdonte të kujdesej për të dhe e donte atë. Tregimi ynë i sotëm na tregon se si Perëndia ia shfaqti veten Jakobit.
SHPJEGOJE	<ul style="list-style-type: none">• Isaku e bekoji Jakobin dhe e porosit të largohej nga shtëpia dhe të shkonte te familja e xhaxhait të tij Labano në Haran. Atje ai do të gjente një grua për veten (Zanafilla 28:1-5).• Gjatë udhëtimit Jakobi ndaloi për të kaluar natën. Ai përdori një gur si jastëk. <i>Përfytyroni se si do të ketë qenë kjo!</i> Ndërsa po flinte, ai pa në ëndërr një shkallë që lidhte tokën me Qiellin. Engjëjt e Perëndisë po ngjiteshin dhe zbritnin. (Zanafilla 28:10-12).• Perëndia po qëndronte në majë të shkallës. Ai i tha Jakobit se do ta bekonte atë dhe do t'i jepte shumë pasardhës. Perëndia premtoi se do të ishte me Jakobin. Një ditë Perëndia do ta kthente sërish në shtëpi Jakobin (Zanafilla 28:13-15). <i>Diskutoni këtë premtim. A i mbajmë gjithnjë premtimet tona? Përse jo? Shpjegojuni fëmijëve se Perëndia i mban gjithnjë premtimet e Tij. Ai është i plotfuqishëm dhe nuk gënjen.</i>• Pasi u zgjua, Jakobi e kuptoi që Perëndia kishte qenë në atë vend. <i>Shpjegoni se si Jakobi pati frikë nga mendimi që Perëndia kishte qenë me të atje. Jakobi kishte bërë shumë gjëra të gabuara të cilat nuk i pëlqenin Perëndisë. Por Perëndia vazhdonte të kujdesej për të! Më pas ai mori gurin që kishte përdorur si jastëk dhe i hodhi vaj përsipër. Ai i vuri atij vendi emrin Bethel. Jakobi premtoi se nëse Zoti do të ishte me të dhe do të bënte që ai të kthehej sërish në shtëpinë e tij, atëherë Zoti do të ishte Perëndia i Tij (Zanafilla 28:16-22).</i> Por Jakobi duhet të mësonte që Perëndia i mban gjithnjë premtimet e Tij!• <i>Ne jemi si Jakobi, sepse kemi bërë gjëra të gabuara. Perëndia e do dhe kudeset për secilin prej nesh, sikurse e deshi Jakobin. Shpjegoni që Ai dërgoi Birin e Tij të vdiste mbi kryqin për ne. Zoti Jezus është si "një shkallë" për të na çuar te Perëndia, për të na çuar në shtëpinë në Qiell.</i> <p>Plotësoni mësimin Eksploro Biblën. Tregojë: bibleforchildren.org – Jakobi. FBI – Perëndia i flet Jakobit në një ëndërr.</p>
MËSOJE	Mëso dhe shpjego në rastet e nevojshme Vargun Kyç – Ose Zanafilla 28:16 ose Psalmi 86:11
KUJTOJE	<ul style="list-style-type: none">• Përse iu desh Jakobit ta linte shtëpinë?• Çfarë përdori Jakobi si një jastëk?• Çfarë pa Jakobi në ëndërrin e tij?• Çfarë i tha Perëndia Jakobit në ëndërr?• A u kujdesua Perëndia për Jakobin, edhe pse ai kishte bërë shumë gjëra të gabuara në të kaluarën?• Si e dimë që Perëndia kujdeset për ne?• Çfarë bëri Jakobi me gurin?• Si është Zoti Jezus si një shkallë?

A9 Tregimi 4

Jakobi gjen një grua – Ky tregim flet si Jakobi u mashtrua nga xhaxhai i tij.

	<p>Ne po mësojmë që:</p> <ul style="list-style-type: none">• Jakob mashtruesi, u mashtrua vetë.• Ne duhet t'i trajtojmë të tjerët ashtu siç duam të na trajtojnë. <p>Vargu Kyç: <i>Ose Zanafilla 29:28 ose Galatasve 6:7</i> Pjesa e Biblës: <i>Zanafilla 29:1-30</i></p>
PARAQITE	<ul style="list-style-type: none">• A keni shkuar të jetoni ndonjëherë me një familje të cilën nuk e keni takuar kurrë më parë? Si ishte kjo përvojë? Ose ndoshta tregoni një incident të tillë nga përvoja juaj? Kujtojeni fëmijëve që Jakobi do të qëndronte me xhaxhain e tij Labano në Haran.• Paraqitni karakteret e reja të tregimit; Labanoja dhe vajzat e tij, Lea dhe Rakela.• Në këtë tregim Jakobi zbulon se si duket kur je vetë ai që mashtrohesh.
SHPJEGOJE	<ul style="list-style-type: none">• Jakobi ishte rrugës për në Haran. Në fund të udhëtimit ai takoi disa barinj pranë një pusi. Ata e njihnin xhaxhanë e tij Labano (<i>Zanafilla 29:1-8</i>).• Rakela, vajza e Labanos, erdhi te pusi me delet e saj. Jakobi e ndihmoi për t'u dhënë ujë deleve duke e lëvzuar gurin nga maja e pusit (<i>Zanafilla 29:9-10</i>).• Jakobi i tregoi Rakelës se kush ishte. Ajo vrapoi drejt shtëpisë për t'i treguar babait dhe Labanoja e ftoi Jakobin të qëndronte me ata (<i>Zanafilla 29:11-14</i>). <i>Provoni të përfytyroni disa nga bisedat që mund të kenë patur!</i>• Jakobi filloi të punojë për Labanon. Jakobi duhet të punonte shtatë vjet për Labanon në shkëmbim për Rakelën si gruan e tij. Ai ishte i gatshëm ta bënte këtë, sepse e donte Rakelën (<i>Zanafilla 29:15-20</i>).• Mirëpo Labanoja e mashtroi Jakobin. Në vend që t'i jepte Rakelën, ai i tha për grua Lean (<i>Zanafilla 29:21-27</i>). <i>Si mendoni do jetë ndjerë Jakobi kur zbuloi se ishte mashtruar? Kërkoju fëmijëve të kujtojnë mënyrat se si Jakobi i kishte mashtruar të tjerët.</i>• Jakobi u martua edhe me Rakelën, por ai duhet të punonte edhe për shtatë vjet të tjera (<i>Zanafilla 29:29-30</i>). Dukej sikur Labanoja kishte dalë më i fituar se Jakobi!• <i>A mendoni që Jakobi ka ndjerë keqardhje sa herë që i kishte mashtruar të tjerët?</i>• <i>Disa mund të thonë që Jakobi mori atë që meritoi. Diskutoni se çfarë mendojnë fëmijët për këtë.</i> <p>Plotësoni mësimin Eksploro Biblën. Tregojë: bibleforchildren.org – Jakobi. FBI – Jakobi mashtrohet në dasmën e tij.</p>
MËSOJE	<p>Mëso dhe shpjego në rastet e nevojshme Vargun Kyç – <i>Ose Zanafilla 29:28 ose Galatasve 6:7</i></p>
KUJTOJE	<ul style="list-style-type: none">• Ku jetonte Labanoja?• Si quheshin dy vajzat e Labanos?• Si e ndihmoi Jakobi Rakelën kur arriti në Haran?• Cilën vajzë donte Jakobi?• Për sa vjet tha Jakobi që do të punote, nëse mund të martohej me Rakelën?• Si e mashtroi Labanoja Jakobin?

A10 Tregimi 1

Stefani vdes për Zotin Jezus – Ky tregim flet për dashurinë e madhe të Stefanit për Zotin Jezus.

	<p>Ne po mësojmë që:</p> <ul style="list-style-type: none">• Stefani e donte Perëndinë, madje i donte edhe armiqtë.• Jezusi ishte me Stefanin kur po goditej me gurë dhe po e priste atë në Qiell. <p>Vargu Kyç: 1 Gjonit 4:19 Pjesa e Biblës: Veprat 6:8-15, 7:54-60</p>
PARAQITE	<ul style="list-style-type: none">• Pyeti fëmijët për rastet kur ata i kanë ndihmuar të tjerët.• Si do të ndiheshit po të përpiqeshit të ndihmonit dikë dhe ata të mos e donin ndihmën tënde?• Po nëse ata do të të tallnin apo edhe të kërkonin të të lëndonin?• Tregimi i sotëm nga Bibla është për një burrë që i ndihmoi të tjerët. Le të zbulojmë se si e trajtuan atë të tjerët.
SHPJEGOJE	<ul style="list-style-type: none">• Stefani e donte Zotin Jezus. Ai bëri mrekulli të cilat i ndihmuan njerëzit, por disa njerëz judenj nuk e pëlqyen atë ose Jezusin. Ata vendosën fshehtas t'i bënin keq atij dhe ta ndalonin që t'u tregonte njerëzve për Jezusin që kishte vdekur për ata (Veprat 6:8-11).• Këta burra thanë gënjeshtër për Stefanin dhe i kthyen njerëzit kundër tij, duke e çuar atë para një gjykate për të vendosur se ç'duhet të bënin me të. Madje ata kishin dëshmitarë që gënjen për gjërat që thoshte Stefani. (Veprat 6:12-15). <i>Si do të ndiheshit po të ishit Stefani?</i>• Ndonëse po thuheshin gënjeshtër për Stefanin dhe për Jezusin, Stefani nuk u zemërua. Njerëzit mund të shihnin që Jezusi ishte me të – në fakt, fytyra e tij duket si e një engjëlli (Veprat 6:15). Stefani e mbrojti Jezusin, por kjo vetëm sa i zemëroi më shumë njerëzit (Veprat 7:54). Stefani, në vend që të kishte frikë, vështroi lart në Qiell dhe pa Jezusin që po e priste atë atje (Veprat 7:55-56). <i>Si do jetë ndjerë Stefani kur pa Jezusin?</i>• Tani njerëzit u tërbuan me Stefanin dhe nuk donin ta dëgjonin më. Ata e morën dhe e nxorën Stefanin jashtë qytetit dhe e goditën me gurë për ta vvarë. Ndërsa e bënë këtë, Stefani u lut që Jezusi të merrte frymën e tij dhe t'i falte ata njerëz për atë që po i bënin. Pastaj ai vdiq (Veprat 7:57-60).• <i>Përpara se Stefani të vdiste, ai i kërkoj Jezusit të bënte diçka për armiqtë e tij – përse mendoni se e bëri këtë?</i>• <i>Si mund të falemi për të këqijat që bëjmë?</i> <p>Plotësoni mësimin Eksploro Biblën. Tregojë: FBI – Stefani bie dëshmor.</p>
MËSOJE	<p>Mëso dhe shpjego në rastet e nevojshme Vargun Kyç – 1 Gjonit 4:19. Shpjegoni që dashuria e Stefanit për Zotin Jezus u tregua nga mënyra që ai ishte i gatshëm të vdiste për Të. Tashmë Zoti Jezus e kishte treguar dashurinë e Tij për Stefanin duke vdekur mbi kryqin.</p>
KUJTOJE	<ul style="list-style-type: none">• Stefani ishte një ndihmues në Kishën. Si ndihmonte ai?• A e pëlqenin të gjithë Stefanin? Përse jo?• Si i kthyen judenjët njerëzit kundër Stefanit?• Si veproi Stefani kur u treguan gënjeshtër për atë dhe Jezusin?• Çfarë pa Stefani kur vështroi lart në Qiell?• Çfarë i bënë njerëzit Stefanit?• Cila ishte lutja e Stefanit?• Si mund të gjejmë falje?

A10 Tregimi 2

Filipi ndan Lajmin e Mirë – Ky tregim flet për një afrikan që beson në Zotin Jezus.

	<p>Ne po mësojmë që:</p> <ul style="list-style-type: none">• Ne duhet të besojmë në Zotin Jezus që të na falen mëkatet.• Perëndia na ndihmon të kuptojmë pjesë të vështira të Biblës, të Fjalës së Tij. <p>Vargu Kyç: Veprat 8:35 Pjesa e Biblës: Veprat 8:26-40</p>
PARAQITE	<ul style="list-style-type: none">• Pyeti fëmijët se si është një shkretëtirë. Si duket ajo? Si do të ishte atje? Nëse do të të kërkohet të shkoje në një shkretëtirë për t'i folur një të huaji, a do ta bëje?• Ose mund t'ju kujtohet një rast kur gjete diçka të vështirë për ta kuptuar, p.sh., një libër, një problemë matematikore? Kush të ndihmoi?
SHPJEGOJE	<ul style="list-style-type: none">• Filipi i besonte Jezusit dhe predikonte lajmin e mirë për Jezusin në fshatra dhe qytete. Një ditë një engjell i tha të shkonte në një rrugë që kalonte nëpër shkretëtirë. (<i>Çfarë duhet të ketë menduar Filipi për këtë?</i>) Shpjegoni se si Filipi pa një karrocë që po vinte drejt tij. Doli se ishte një njeri shumë i rëndësishëm nga Etiopia, i cili po kthehej në shtëpi. (Shpjegoni ku ndodhet ky vend) (Veprat 8:26-28). <i>Për cilin mendoni se duhet të dëgjonte ky burrë nga Etiopia?</i>• Më pas Fryma e Shenjtë i tha Filipit që t'i afrohej këtij burri. Ai po lexonte nga Isaia, një libër në Dhiatën e Vjetër. Filipi e pyeti a e kuptonte atë që po lexonte, por ai burrë ishte i pëshpjelluar! (Veprat 8:29-31). <i>Një nga vargjet fliste për dikë që do të vritej si një qengj. (Shpjegoni se një qengj nuk e tërheq vëmendjen kur çohet për t'u therur). Filipi shpjegoi që vargjet ishin për Zotin Jezus duke vdekur mbi kryqin për mëkatet tona. (Shpjegoni gatishmërinë e Jezusit për të vdekur).</i>• Burri etiopas kuptoi më pas që kishte mëkatuar dhe që kishte nevojë për faljen e Perëndisë. Pa u vonuar, ai besoi që Krishti vdiq për të. (Veprat 8:32-35).• Filipi e pagëzoi atë për të treguar që ai ishte një ndjekës i Jezusit. (<i>Shpjegoni pagëzimin. Përcillni ndryshimin dhe gëzimin që kishte ardhur në jetën e tij.</i>)• Fryma e Shenjtë e largoi prej aty Filipin për t'u treguar të tjerëve për Jezusin. (Veprat 8:36-40).• <i>Perëndia dëshiron që të gjithë ta dinë se Jezusi vdiq mbi kryqin për mëkatet e tyre. Flisni për njerëzit që na ndihmojnë të kuptojmë atë që thotë Bibla. Ne duhet të jemi mirënjohës që kemi dëgjuar lajmin e mirë për Jezusin.</i> <p>Plotësoni mësimin Eksploro Biblën. Tregoje: FBI – Filipi dhe zyrtari etiopas.</p>
MËSOJE	Mëso dhe shpjego në rastet e nevojshme Vargun Kyç – Veprat 8:35
KUJTOJE	<ul style="list-style-type: none">• Ku i tha engjëlli Filipit që të shkonte?• Nga cili vend ishte ai burrë?• Përse shkoi Filipi tek ai?• Çfarë po lexonte ai burrë?• Çfarë bëri ai burrë kur Filipi i shpjegoi atij për Jezusin?• Ku u pagëzua ai?• Si ndihej ai ndërsa po kthehej tani në shtëpi?• Si mund t'i kemi mëkatet e faluara?

A10 Tregimi 3

Sauli dhe një dritë e shndritshme! – Ky tregim flet për fuqinë e Perëndisë për të ndryshuar jetë.

	<p>Ne po mësojmë që:</p> <ul style="list-style-type: none">• Jezusi i do të gjithë dhe vdiq për të gjithë, madje dhe për njerëzit që e urren Atë.• Vetëm Zoti Jezus ka fuqinë të ndryshojë jetët tona. <p>Vargu Kyç: 2 Korintasve 5:17 Pjesa e Biblës: Veprat 9:1-9</p>
PARAQITE	<ul style="list-style-type: none">• Sauli ishte një jude që e urrente Jezusin. Ai i urrente të gjithë njerëzit që e ndiqnin Jezusin, aq shumë që donte t'i shihte të vdekur. Shpjegoni që ai kishte qenë i pranishëm kur Stefani u vra me gurë. (Tregimi 1)• Pyeti fëmijët nëse do ta kishin pëlqyer Saulin si një shok? Përse / përse jo?
SHPJEGOJE	<ul style="list-style-type: none">• Një ditë Sauli u nis te një qytet i quajtur Damask për të gjetur të krishterët dhe për t'i futur në burg (Veprat 9:1-2). <i>Diskutoni ndjenjat dhe qëndrimet e Saulit duke shkuar atje.</i>• Ndërsa po i afrohej Damsakut, ai pa befas një dritë të shndritshme përreth tij dhe ra përdhe. <i>Përdorni fjalët që i ishin thënë Saulit si edhe përgjigjen e tij. Shpjegoni se si po ndihej tani Sauli (Veprat 9:3-4).</i>• Zëri iu përgjigj se ishte Jezusi. <i>Shpjegoni atë që kuptoi tani Sauli – Jezusi është Biri i Perëndisë, Ai është gjallë, mendimet e tij për Jezusin kishin qenë të gjitha të gabuara! Jezusi i tha atij të shkonte në qytetin e Damaskut, ku do t'i thuhej se çfarë do të bënte. Njerëzit që ishin me Saulin u mrekulluan, pasi e dëgjuan zërin, por nuk panë askënd (Veprat 9:5-7).</i>• Kur Sauli u ngrit, ai s'mund të shihte dhe kështu që e shoqëruan në qytet. Ai ishte i verbër për tre ditë dhe nuk hëngri dhe nuk piu asgjë (Veprat 9:8-9). <i>Si do jetë ndjerë ngaqë ishte i verbuar?</i>• <i>Diskutoni përse Zoti Jezus e takoi Saulin në këtë mënyrë. Kujtojeni fëmijëve që Sauli e urrente Jezusin dhe ndjekësit e Tij. Ai dëshironte t'i shihte të gjithë ata të vranë, por Jezusi e donte atë dhe dëshironte që Ai të ishte ndjekës i Tij, edhe pse ai nuk e meritonte këtë. Zoti Jezus dëshironte që ta ndryshonte krejt jetën e tij.</i>• <i>Ne kemi nevojë për Zotin Jezus që të na heq mëkatën dhe të na japë fuqinë për të jetuar një jetë të re.</i> <p>Plotësoni mësimin Eksploro Biblën. Tregoje: FBI – Kthimi në besim i Palit.</p>
MËSOJE	<p>Mëso dhe shpjego në rastet e nevojshme Vargun Kyç – 2 Corinthians 5:17, duke e lidhur atë me jetën e vjetër të Saulit dhe me faktin se është kur jemi “në Krishtin” që jetët tona ndryshohen dhe bëhen të reja.</p>
KUJTOJE	<ul style="list-style-type: none">• Ku po shkonte Sauli?• Përse po shkonte në këtë udhëtim?• Çfarë pa ai?• Çfarë dëgjoi ai?• Çfarë i tha zëri?• Çfarë kuptoi Sauli kur mësoi se ai që po i fliste ishte Jezusi?• Çfarë nuk pati Sauli për tri ditë?• Kush është i vetmi që mund të na japë fuqinë për të jetuar një jetë të re?

A10 Tregimi 4

Sauli bëhet një njeri i ndryshuar – Ky tregim flet se si Perëndia e përdori Saulin për t'u treguar të tjerëve.

	<p>Ne po mësojmë që:</p> <ul style="list-style-type: none">• Perëndia dëshiron të na ndihmojë dhe na dërgon njerëz kur kemi nevojë për ata.• Ashtu si me Saulin, Perëndia i ndryshon jetët e njerëzve sot dhe Ai mund t'i bëjë ata të dobishëm për Të. <p>Vargu Kyç: <i>Veprat 9: 20</i> Pjesa e Biblës: <i>Veprat 9:10-23</i></p>
PARAQITE	<ul style="list-style-type: none">• Rishiko pjesën e parë të tregimit të Saulit – e mbani mend se si ishte Sauli “i vjetër”? Si do jenë ndjerë ndjekësit e Jezusit që jetonin në Damask për Saulin “e vjetër”? (të frikësuar...)• Perëndia duhet t'i përgatiste ata, që të ishin të gatshëm ta pranonin Saulin e ri si një të familjes së Tij. Le të zbulojmë se çfarë ndodhi...
SHPJEGOJE	<ul style="list-style-type: none">• Perëndia i foli Ananias në një ëndërr dhe i tha atij të shkonte e të gjente Saulin (Veprat 9:10-12). <i>A mendoni që Anania do të donte të shkonte? Përse jo?</i>• Anania kishte frikë që Sauli mund ta arrestonte ose ta vriste atë. Perëndia i tha atij të mos shqetësohej, pasi Ai e kishte zgjedhur Saulin për një punë të veçantë – për t'u treguar njerëzve për Perëndinë, të cilët nuk kishin dëgjuar kurrë për Të më parë (Veprat 9:13-16).• Anania u bind dhe shkoi te Sauli. Ai e thirri atë vëlla (<i>shpjegoni përse ata ishin vëllezër</i>) dhe i tha se ishte dërguar nga Zoti Jezus. Ai i vuri duart te sytë e Saulit, që ai të mund të shihte sërish. Gjithashtu Sauli u mbush me Frymën e Shenjtë. Ai u pagëzua dhe hëngri pak ushqim (Veprat 9:17-19a). <i>Si do jetë ndjerë Sauli që Anania i shkoi për vizitë?</i>• Sauli takoi shpejt ndjekësit e tjerë të Jezusit në Damask. Menjëherë ai filloi të predikojë për Zotin Jezus. <i>Shpjegoni reagimin e atyre që takuan Saulin në Damask. Kjo nuk ishte ajo që pritej të shihnin ata në Saulin!</i>• Judenjtë që dëgjuan për ndryshimin në jetën e Saulit nuk e pëlqyen mesazhin që ai predikonte, prandaj bënë plan që ta vrisnin. Saulit iu desh të largohej nga Damasku duke u zbritur nga muret e qytetit në një shportë gjatë natës (Veprat 9:19-25). <i>Ballafaqoni kontrastin e ndryshimit në jetën e Palit dhe rrethanat tani që ishte një besimtar në Jezusin.</i> <p>Plotësoni mësimin Eksploro Biblën. Tregojë: FBI – Kthimi në besim i Saulit.</p>
MËSOJE	Mëso dhe shpjego në rastet e nevojshme Vargun Kyç – Veprat 9:20
KUJTOJE	<ul style="list-style-type: none">• Si i foli Perëndia Ananias?• Përse kishte frikë Anania të shkonte te Sauli?• Cila do të ishte puna e re e Saulit?• Çfarë u ndodhi syve të Saulit kur Anania i vuri duart mbi të?• Çfarë dhuratë tjetër mori Sauli kur Anania e vizitoi atë?• Çfarë filloi të bënte menjëherë Sauli?• Përse Saulit iu desh të largohej në një shportë?• Si mund të ndryshojnë krejt jetët tona siç ndodhi me Saulin?

A11 Tregimi 1

Pali (Sauli) në Antioki – Ky tregim flet për të ndihmuar në veprën e Zotit.

	<p>Ne po mësojmë që:</p> <ul style="list-style-type: none">• Njerëzit që besojnë në Jezusin quhen “të krishterë”.• Perëndia ka një plan të veçantë për ne kur i besojmë Atij – Ai dëshiron të jemi ndihmësit e Tij. <p>Vargu Kyç: Veprat 11:26 Pjesa e Biblës: Veprat 11:19-26</p>
PARAQITE	<ul style="list-style-type: none">• Pyeti fëmijët se si mund të ndihmojnë në situata të ndryshme – Si mund ta ndihmoni mësuesin tuaj? Çfarë mund të bëni në shtëpi për të ndihmuar nëse mamaja është e sëmurë?• Shpjegoni që tregimi i sotëm flet për dy njerëz që ndihmojnë bashkë në veprën e Zotit.
SHPJEGOJE	<ul style="list-style-type: none">• Lajmi i mirë për Jezusin po përhapej dhe kisha e Perëndisë po rritej. Disa besimtarë kishin shkuar të jetonin në një qytet të quajtur Antioki. Atje ata patën mundësinë t’u tregonin lajmin e mirë njerëzve të cilët nuk e kishin dëgjuar kurrë më parë dhe shumë besuan në Zotin Jezus (Veprat 11:19-21).• Shumë shpejt kisha në Jerusalem dëgjoi për gjërat e mëdha që po ndodhnin në Antioki. <i>Si do jenë ndjerë besimtarët? (të emocionuar).</i> Ata vendosën të dërgonin një burrë të quajtur Barnaba për të zbuluar më shumë. Ai shkoi në Antioki dhe ishte shumë i gëzuar kur pa se kishte shumë besimtarë të rinj. Barnaba bëri çdo përpjekje për t’i mësuar besimtarët e rinj dhe për t’i inkurajuar ta donin Zotin Jezus (Veprat 11:22-24). <i>Çfarë njeriu ishte Barnaba?</i>• Barnaba ishte kaq i ngarkuar me punë në Antioki, saqë kishte nevojë për një ndihmues. Perëndia i kujtoi atij Saulin, të cilin e kishte takuar disa vjet më parë. Pasi Sauli kishte takuar Zotin Jezus, ai ishte kthyer në Tars, në qytetin ku kishte lindur. Barnaba shkoi në Tars dhe e ktheu Saulin në Antioki për ta ndihmuar atë me veprën (Veprat 11:25-26).• <i>Shpjegoni që Antiokia ishte një vend i rëndësishëm për Saulin/Palin, sepse ai e filloi atje punën e tij misionare. Kjo ishte një punë e veçantë që Perëndia kishte planifikuar për të.</i> Sauli dhe Barnaba e kaluan atë vit në Antioki, duke i mësuar besimtarët atje. Gjatë kësaj kohe besimtarët në Jezus Krishtin ishin quajtur për herën e parë “të krishterë” (Veprat 11:26).• <i>Kur besojmë në Jezusin, edhe ne quhemi “të krishterë”. Ne ndajmë emrin e Tij! Perëndia ka një plan të veçantë për të gjithë të krishterët, sikurse kishte për Palin. Ai dëshiron që të krishterët të jenë ndihmësit e Tij.</i>• <i>Çfarë duhet të bëjmë për t’u bërë të krishterë?</i>• <i>Nëse jemi të krishterë, në ç’mënyra mund të na përdorë Perëndia si ndihmësit e Tij?</i> <p>Plotësoni mësimin Eksploro Biblën.</p>
MËSOJE	Mëso dhe shpjego në rastet e nevojshme Vargun Kyç – Veprat 11:26
KUJTOJE	<ul style="list-style-type: none">• Në cilin qytet po rritej kisha?• Cilin dërguan njerëzit e Jerusalemit në Antioki?• Çfarë bëri Barnaba në Antioki?• Çfarë i duhej së shpejti Barnabës?• Cilin shkoi të kërkojë Barnaba?• Sa kohë kaluan Sauli dhe Barnaba në Antioki?• Çfarë emri u vu njerëzve që besuan në Jezusin?• Veprën e kujt bëri Sauli?

A11 Tregimi 2

Pali (Sauli) në Qipro – Ky tregim flet për t'u treguar të tjerëve për Zotin Jezus.

	<p>Ne po mësojmë që:</p> <ul style="list-style-type: none">• Ne duhet të bëjmë zgjedhjen e duhur duke besuar në Jezusin.• Ne duhet t'u tregojmë të tjerëve për Jezusin. <p>Vargu Kyç: <i>Mateu 28:19</i> Pjesa e Biblës: <i>Veprat 13:1-12</i></p>
PARAQITE	<ul style="list-style-type: none">• Ndajini fëmijët të punojnë në grupe nga dy dhe të mendojmë sa më shumë gjëra që mundën për Jezusin.• Shpjegojuni fëmijëve se tregimi i sotëm flet për Palin (përmendni ndryshimin e emrit), Barnabën dhe Gjon Markun, që u tregojnë njerëzve për Jezusin.
SHPJEGOJE	<ul style="list-style-type: none">• Një ditë të krishterët në Antioki ishin mbledhur bashkë. Atje ishin edhe Pali me Barnabën. Fryma e Shenjtë ua bëri të qartë drejtuesve të tjerë që Barnaba dhe Pali do të bënin një punë të veçantë për Perëndinë. Pasi u lutën për këtë, Barnaba, Sauli dhe Gjon Marku, i cili ishte një nip i ri i Barnabës, u nisën dhe lundruan drejt një ishulli të quajtur Qipro (Veprat 13:1-4).• Kur arritën ata udhëtuan përreth duke predikuar lajmin e mirë. Në një vend të quajtur Pafo takuan një magjistar që punonte për guvernatorin e Qipros. Guvernatori dëgjoji për Barnabën dhe Saulin dhe donte që takohej me ta. Ai e dëgjoji Fjalën e Perëndisë, por Elimasi, magjistari, u përpoq ta largonte atë nga besimi (Veprat 13:5-8).• Sauli e dinte që magjistari po bënte punën e djallit. Sauli ishte i mbushur me fuqinë e Frymës së Shenjtë. Ai e pa magjistarin drejt e në sy dhe i tha se po vepronte me ligësi dhe që Zoti do ta verbonte. Sapo Pali mbaroi së foluri, Elisami u verbua dhe iu desh të shkonte rreth e qark duke kërkuar ndonjë që ta mbante për dore (Veprat 13:9-11). <i>Shpjegoni se është e gabuar të kundërshtosh Zotin Jezus.</i>• Guvernatori pa madhështinë e fuqisë së Perëndisë dhe besoi në Jezusin (Veprat 13:12).• <i>Pali, Barnaba dhe Gjon Marku dhe guvernatori bënë zgjedhjen e duhur duke besuar në Jezusin. Elimasi bëri zgjedhjen e gabuar. Jezusi dëshiron që edhe ne të besojmë në Të.</i>• <i>A njihni dikë që u flet njerëzve në një vend tjetër për Jezusin?</i>• <i>Si mund t'u tregoni njerëzve të tjerë për Jezusin?</i> <p>Plotësoni mësimin Eksploro Biblën. Tregojë: FBI – Pali dhe Barnaba vizitojnë Qipron.</p>
MËSOJE	<p>Mëso dhe shpjego në rastet e nevojshme Vargun Kyç – Mateu 28:19. Shpjegoni që këto janë fjalët e Jezusit përpara se Ai të kthehej në Qiell. Ishte plani i Tij që njerëzit kudo (të gjitha kombet) të dëgjojnë lajmin e mirë dhe të besojnë në Të.</p>
KUJTOJE	<ul style="list-style-type: none">• Kush i dërgoi Palin dhe Barnabën për të bërë një punë të veçantë?• Kush shkoi me ta?• Si udhëtuan?• Si quhej ishulli ku shkuan?• Kë takuan në Pafo?• Cili njeri në Pafo besoi në Jezusin?• Çfarë i ndodhi magjistarit?• Kush i tha fjalët në Vargun Kyç të sotëm?

A11 Tregimi 3

Pali takon Lidian – Ky tregim flet për një zonjë që besoi në Zotin Jezus.

	<p>Ne po mësojmë që:</p> <ul style="list-style-type: none">• Kushdo që beson në Zotin Jezus do të shpëtohet.• Ne mund të flasim me Perëndinë kudo dhe për gjithçka. <p>Vargu Kyç: Veprat 2:21 Pjesa e Biblës: Veprat 16:6-15</p>
PARAQITE	<ul style="list-style-type: none">• Kërkoju fëmijëve të tregojnë për një rast kur shkuan në një udhëtim të largët. Ku shkua? Sa zgjati? Kë takove atje?• Shpjegojuni fëmijëve se tregimi i sotëm flet për Palin dhe miqtë e tij që shkujnë në një udhëtim.
SHPJEGOJE	<ul style="list-style-type: none">• Pali dhe dy miqtë e tij Sila dhe Timoteu udhëtuan për shumë kilometra, duke shkua nga njëri vend në tjetrin. Fryma e Shenjtë u tregoi saktësisht se ku dëshironte Perëndia që të shkonin. Pavarësisht se ku shkuan, kishte shumë njerëz që duhet të dëgjonin për Zotin Jezus (Veprat 16:6-8).• Përfundimisht ata arritën në një qytet bregdetar. Atë natë Pali pati një ëndërr të veçantë ku një burrë nga Maqedonia i lutej Palit që të shkonte dhe t'i ndihmonte njerëzit atje. Pali e kuptoi që Perëndia po u tregonte qartë atyre se ku duhet të shkonin këtë radhë (Veprat 16:9-10).• <i>Shpjegoni që Perëndia donte që njerëzit atje të dëgjonin për Jezusin, prandaj Ai dërgoi atje Palin dhe miqtë e tij. Nuk ka rëndësi për Perëndinë se ku jeton. Ai dëshiron që çdo njeri të dëgjojë për Atë.</i>• Menjëherë ata gjetën një anije që shkonte atje. Ata arritën shpejt në një qytet të madh të quajtur Filipi. Ditën e shabatit (e shtunë) Pali dhe miqtë e tij dolën jashtë qytetit anës lumit. Atje ata gjetën disa gra që kishin shkua për t'u lutur (Veprat 16:11-13). <i>Gratë te lumi po i luteshin Perëndisë. Ku mund t'i flasim Perëndisë? (Shpjegojuni fëmijëve që ne mund t'i flasim Perëndisë kudo).</i>• Një nga gratë quhej Lidia. Ajo ishte tregtare të purpurtash. Ajo kishte besuar në Perëndinë për një kohë të gjatë, por nuk kishte dëgjuar kurrë për Birin e Perëndisë, Zotin Jezus. Lidia i dëgjoji me kujdes të gjitha ato që tha Pali. Ajo e kuptoi në zemrën e saj se ato që dëgjoji ishin të vërteta dhe u bë një besimtare në Zotin Jezus. Ajo ishte shumë e gëzuar që Pali kishte ardhur në qytetin e saj (Veprat 16:14-15). Edhe familja e Lidias u bë e krishterë. Ata u pagëzuan të gjithë dhe Lidia e ftoi Palin dhe miqtë e tij për të qëndruar në shtëpinë e saj.• <i>Për çfarë mund t'i flasim Perëndisë? (Jepu mundësi fëmijëve të shprehin ide dhe shpjegoju atyre që ne mund të flasim me Perëndinë për çdo gjë).</i> <p>Plotësoni mësimin Eksploro Biblën. Tregoje: FBI – Pali dhe Sila udhëtojnë në Filipi.</p>
MËSOJE	<p>Mëso dhe shpjego në rastet e nevojshme Vargun Kyç – Veprat 2:21. Shpjegoni që të thërrasësh në Emrin e Zotit do të thotë t'i kërkojmë Atij të na shpëtojë nga mëkatin ynë. Kjo është çfarë bëri Lidia në këtë tregim.</p>
KUJTOJE	<ul style="list-style-type: none">• Thoni emrin e një prej miqve të Palit.• Kush u tregoi se ku donte Perëndia që ata të shkonin?• Çfarë ndodhi në ëndërrën e Palit?• Si udhëtuan drejt Maqedonisë Pali dhe miqtë e tij?• Ku i takuan gratë Pali dhe miqtë e tij?• Çfarë po bënin ato?• Cila ishte puna e Lidias?• Çfarë bëri Lidia kur dëgjoji për Jezusin?

A11 Tregimi 4

Pali dhe Sila në burg – Ky tregim flet për më shumë njerëz që shpëtohen.

	<p>Ne po mësojmë që:</p> <ul style="list-style-type: none">• Nd duhet të besojmë në Zotin Jezus për t'u shpëtuar.• Të krishterët janë të lumtur, sepse e kanë Jezusin si Shpëtimtarin e tyre. <p>Vargu Kyç: Veprat 16:31 Pjesa e Biblës: Veprat 16:16-34</p>
PARAQITE	<ul style="list-style-type: none">• Kërkoju fëmijëve të tregojnë se çfarë i bën ata të lumtur.• Tregoju fëmijëve që në tregimin e sotëm kemi disa njerëz të lumtur. Kërkoju të dëgjojnë me kujdes për të zbuluar se kush është i lumtur....
SHpjegoje	<ul style="list-style-type: none">• Një ditë, kur Pali dhe Sila ishin në Filipi, ata ndihmuan një vajzë skllave. Kjo i bëri zotërinjtë e saj të zemërohen shumë dhe ata e tërhoqën Palin dhe Silën te sheshi i qytetit dhe gënjen për ata (Veprat 16:16-21).• Pali dhe Sila u goditën dhe më pas u futën në burg. Rojtari i burgut i lidhi me zinxhirë dhe ua futi këmbët në blloqe të forta druri (Veprat 16:22-24). <i>Si mendoni se do jenë ndjerë Pali dhe Sila?</i>• Aty nga mesnata të burgosurit e tjerë mund të dëgjonin Palin dhe Silën duke iu lutur dhe kënduar himne Perëndisë! Ndonëse shpinat u ishin bërë plagë nga goditjet që kishin marrë, përsëri ata mund të lavdëronin Perëndinë (Veprat 16:25).• Befas u dëgjua një zhurmë tjetër. Gjithçka u shkund e trondit. Dyert u hapën dhe zinxhirët ranë. Ishte një tërmet (Veprat 16:26).• Rojtari i burgut u zgjua dhe pa se të gjitha dyert e burgut ishin të hapura. <i>Cili do të ketë qenë mendimi i tij i parë? Pali i tha atij të mos shqetësohej, sepse të gjithë të burgosurit ishin atje (Veprat 16:27-28).</i>• Rojtari i burgut e pyeti Palin se çfarë duhet të bënte për t'u shpëtuar, sepse ai e dinte se ishte mëkatar. Pali iu përgjigj: “Beso në Zotin Jezus Krisht dhe do të shpëtohesh”. Pali dhe Sila i shpjeguan rojtarit të burgut dhe familjes së tij që Jezusi vdiq mbi kryqin për mëkatet e tyre. Rojtari i burgut e mori Palin dhe Silën në shtëpinë e tij dhe ua lau plagët. Kjo ishte një natë shumë e lumtur, sepse rojtari dhe familja e tij kishin besuar që të gjithë në Jezusin (Veprat 16:29-34).• <i>Kush ishte i lumtur në këtë tregim? Përse ishin të lumtur? (Inkurajoj fëmijët të flasim për Palin dhe Silën, si edhe për rojtarin e burgut dhe familjen e tij. Shpjegojuni atyre se këta njerëz ishin të lumtur, ngaqë Jezusi i kishte shpëtuar).</i>• <i>Shpjegojuni fëmijëve që ne duhet të shpëtohem na mëkati ynë. Ne duhet të besojmë në Jezusin, sepse Ai është Biri i Perëndisë dhe vdiq për ne.</i> <p>Plotësoni mësimin Eksploro Biblën. Tregoje: FBI – Pali dhe Sila në burg.</p>
MËSOJE	Mëso dhe shpjego në rastet e nevojshme Vargun Kyç – Veprat 16:31
KUJTOJE	<ul style="list-style-type: none">• Kë ndihmuan Pali dhe Sila?• Çfarë i ndodhi Palit dhe Silës?• Çfarë bënë Pali dhe Sila në mes të natës?• Çfarë ndodhi ndërsa po këndonin?• Përse u frikësua rojtari i burgut nga tërmeti?• Çfarë pyetje i bëri rojtari i burgut Palit dhe Silës?• Çfarë i thanë Pali dhe Sila atij?• Çfarë bëri rojtari i burgut atë natë?• Çfarë mund të mësojmë nga ky mësim?

A12 Tregimi 1

Zakaria dhe Elizabeta – Ky tregim flet për Perëndinë që i përgjigjet lutjes.

	<p>Ne po mësojmë që:</p> <ul style="list-style-type: none">• Perëndia i përgjigjet lutjes.• Lutjet marrin përgjigje në kohën e Perëndisë, jo në tonën. <p>Vargu Kyç: <i>Luka 1:13</i> Pjesa e Biblës: <i>Luka 1:5-25</i></p>
PARAQITE	<ul style="list-style-type: none">• Pyetini fëmijët për familjet e tyre. Diskutoni me ata për foshnjat në familje ose për në fisin më të gjerë. Foshnjat u sjellin lumturi njerëzve.• Kërkojuni fëmijëve të mendojnë për diçka që vërtet do t'ju pëlqente. A mund të shpjegojnë se përse do t'ju pëlqente? Çifti i tregimit të sotëm ndjehej pak a shumë kështu, ata donin një foshnjë!
SHPJEGOJE	<ul style="list-style-type: none">• Zakaria dhe Elizabeta donin vërtet të kishin një fëmijë. Ndërsa po plakeshin, shumë prej miqve të tyre kishin familje, por ata ishin akoma vetëm. Si mendoni se do jenë ndjerë ata? Çfarë duhet të kenë humbur Zakaria dhe Elizabeta ngaqë nuk kishin fëmijë? Lejoni fëmijët të japin sugjerime duke u nisur nga konteksti/kultura e tyre (Luka 1:5-7).• Ata vendosën t'i luteshin Perëndisë për këtë. Ata e dinin që Perëndia do t'u përgjigjej lutjes së tyre! (Luka 1:13). Përmendni që ne mund të lutemi për çdo problem që mund të kemi.• Perëndia e dëgjoi lutjen e tyre dhe dërgoi një engjell të takonte Zakarinë kur ai po punonte në Tempull. Si mendoni do jetë ndjerë Zakaria kur iu shfaq engjëlli? Engjëlli i tha të mos kishte frikë dhe më pas ndau lajmin e mirë që Elizabeta do të kishte një djalë dhe emri i tij duhej të ishte Gjon (Luka 1:8-11).• Zakaria s'mund ta besonte lajmin që kishte marrë. Ai mendoi se ai dhe Elizabeta ishin tepër të plakur për të patur një foshnjë. Engjëlli i tha atij se ngaqë nuk e besoi mesazhin nga Perëndia, ai nuk do të mund të fliste deri në lindjen e djalit të tyre (Luka 1:18-20).• Ne mund të mësojmë një mësim të rëndësishëm nga Zakaria ... kur lutemi ne duhet të besojmë që Perëndia do t'u përgjigjet lutjeve tona.• Konsideroni disa çështje për të cilat mund të lutemi sot! <p>Plotësoni mësimin Eksploro Biblën. Tregojë: FBI – Zakarisë i premtohet një bir. (P) Lindja e Gjon Pagëzorit (I).</p>
MËSOJE	Mëso dhe shpjego në rastet e nevojshme Vargun Kyç – Luka 1:13
KUJTOJE	<ul style="list-style-type: none">• Me kë ishte i martuar Zakaria?• Çfarë donin ata në të vërtetë?• Kujt iu lutën Zakaria dhe Elizabeta?• Kush shkoi të takonte Zakarinë në Tempull?• Si u ndje Zakaria kur iu shfaq engjëlli?• Cili ishte mesazhi nga engjëlli?• Çfarë i ndodhi Zakarisë ngaqë nuk e besoi mesazhin?• Kur lutemi çfarë gjëje të rëndësishme duhet të bëjmë?

A12 Tregimi 2

Maria dhe Gabrieli – Ky tregim flet për Marinë që i beson asaj që i thotë Perëndia.

	<p>Ne po mësojmë që:</p> <ul style="list-style-type: none">• Maria e pranoi mesazhin e engjëllit, ndonëse asaj kjo i dukej e pamundur.• Perëndia mund të bëjë gjëra që duken të pamundura. <p>Vargu Kyç: <i>Luka 1:37</i> Pjesa e Biblës: <i>Luka 1:26-38</i></p>
PARAQITE	<p>Rishikoni tregimin e javës së kaluar rreth mesazhit të engjëllit që Zakaria dhe Elizabeta do të kishin një fëmijë. Shpejt mbas kësaj Perëndia dërgoi engjëllin për të bërë një tjetër vizitë të veçantë.</p>
SHPJEGOJE	<ul style="list-style-type: none">• <i>Vendosni në kontrast Marinë me Elizabetën.</i> Maria ishte veçse një vajzë e re, e fejuar me një burrë të quajtur Jozef dhe jetonte në një qytet të Nazaretit. Një ditë ajo pati një vizitë nga një engjëll i quajtur Gabriel (Luka 1:26-27). <i>Ndihmoji fëmijët të kuptojnë se kjo nuk ishte një ngjarje e zakonshme dhe kuptohet që Maria pati frikë.</i>• Engjëlli i tha asaj që të mos kishte frikë. Ajo dëgjoji me kujdes ndërsa Gabrieli i tha asaj se do të kishte një djalë. Maria ishte pak e pështjelluar; ajo nuk kishte akoma një burrë. Engjëlli i tha asaj se Fryma e Shenjtë Perëndi do t'i jepte asaj këtë fëmijë të veçantë. Ajo do ta quante atë Jezus (Luka 1:29-34).• Jezusi do të ishte më i madh se çdo fëmijë tjetër që kishte lindur. Ai do të ishte Biri i Perëndisë. Kjo duhet të ketë qenë e vështirë për t'u kuptuar, por engjëlli i tha Marisë se asgjë nuk është e pamundur me Perëndinë (Luka 1:35-37).• Maria e besoi mesazhin që i ishte thënë. Maria ishte e gatshme të bëhej pjesë e planit të madh të Perëndisë për të dërguar Birin e Tij në botë. Lindja e Jezusit do të ishte një mrekulli e jashtëzakonshme (Luka 1:38).• <i>A të është premtuar ndonjëherë diçka që e ke konsideruar të vështirë për ta besuar?</i>• <i>Përse mendoni që Maria i besoi engjëllit? Perëndia dëshiron që secili prej nesh t'i besojë Atij në të njëjtën mënyrë siç bëri Maria.</i> <p>Plotësoni mësimin Eksploro Biblën. Tregoje: FBI – Një engjëll viziton Marinë.</p>
MËSOJE	<p>Mëso dhe shpjego në rastet e nevojshme Vargun Kyç – Luka 1:37. A mund të mendojnë fëmijët për të tjera gjëra “të pamundura” në Bibël që bëri Perëndia? Lavdërojeni Atë që është një Perëndi kaq shumë i fuqishëm!</p>
KUJTOJE	<ul style="list-style-type: none">• Ku jetonte Maria?• Me kë ishte fejuar Maria?• Cili ishte emri i engjëllit që e vizitoi Marinë?• Përse ishte Maria pak e pështjelluar për mesazhin nga engjëlli?• Në ç'mënyrë do të ishte i veçantë ky fëmijë?• Çfarë bëri Maria me mesazhin?• Si është Maria një shembull i mirë për t'ju ndjekur?• Çfarë gjërash janë të pamundura për Perëndinë?

A12 Tregimi 3

Lindja e Gjonit – Ky tregim flet për plotësimin e premtimeve të Perëndisë.

	<p>Ne po mësojmë që:</p> <ul style="list-style-type: none">• Perëndia e mbajti premtimin e Tij për Zakarinë dhe Elizabetën.• Perëndia i mban premtimet e Tij edhe për ne. <p>Vargu Kyç: <i>Luka 1:76</i> Pjesa e Biblës: <i>Luka 1:57-80</i></p>
PARAQITE	<ul style="list-style-type: none">• Diskutoni se si do të ishte po të mos kishit mundësi të flisnit për disa muaj me radhë. Kujtoju fëmijëve se kjo i ndodhi Zakarisë kur nuk e besoi mesazhin e engjëllit.• Si duket mëngjesin e Krishtlindjes ose kur ke ditëlindjen dhe merr një dhuratë të cilën ishe duke e pritur? Kështu duhet të jenë ndërë Zakaria dhe Elizabeta kur lindi djali i tyre i vogël, siç kishte premtuar engjëlli. Ishte një kohë shumë e veçantë!
SHpjegoje	<ul style="list-style-type: none">• Kur arriti foshnja, familja dhe të afërmit donin që ta quanin Zakaria, si babai. Elizabeta u tha atyre që emri i tij do të ishte Gjon (Luka 1:57-60). <i>Përse tha Elizabeta që ai do të quhej Gjon?</i>• Kur e pyetën Zakarinë për emrin e fëmijës, ai shkroi “Emri i tij do të jetë Gjon” (Luka 1:62-63).• Pikërisht në atë çast ai mund të fliste sërish. Zakaria falënderoi dhe lavdëroi Perëndinë. <i>Përse e bëri Zakaria këtë? Perëndia e kishte mbajtur premtimin e Tij, ai ishte plot gëzim për lindjen e djalit të tij dhe e dinte që së shpejti Perëndia do të bënte gjëra akoma më të mëdha! Të gjithë u mrekulluan për atë që kishin parë (Luka 1:64-66).</i>• Gjoni ishte një djalë i veçantë. <i>Përse? Kujtoju fëmijëve që prindërit e tij kishin pritur kaq shumë vjet për të, por më e rëndësishme është që ai do të rritej për të përgatitur rrugën për ardhjen e Zotit Jezus.</i>• <i>Perëndia do t'i mbajë premtimet e Tij edhe për ne. Përmendni disa premtime që Ai na bën në Bibël.</i> <p>Plotësoni mësimin Eksploro Biblën. Tregojë: FBI – Gjon Pagëzori.</p>
MËSOJE	<p>Mëso dhe shpjego në rastet e nevojshme Vargun Kyç – Luka 1:76. Shpjegoni se ky varg është pjesë e asaj që tha Zakaria në këngën e tij të lavdërimit për Perëndinë.</p>
KUJTOJE	<ul style="list-style-type: none">• Kush ishte burri i Elizabetës?• Përse nuk mund të fliste ai?• Si donin të afërmit ta quanin foshnjën?• Përse Zakaria dhe Elizabeta e quajtën Gjon?• Kur ishte Zakaria në gjendje të fliste sërish?• Çfarë punë të veçantë do të bënte Gjoni? <p>Krijë: Fëmijët mund të bëjnë një kartolinë të shpalljes së lindjes për foshnjën Gjon.</p>

A12 Tregimi 4

Lindja e Jezusit – Ky tregim flet për Perëndinë që jep Birin e Tij.

	<p>Ne po mësojmë që:</p> <ul style="list-style-type: none">• Jezusi është Biri i Perëndisë, i cili erdhi të jetë Shpëtimtari ynë.• Ne duhet ta falënderojmë Perëndinë për dashurinë e madhe që e dërgoi Zotin Jezus. <p>Vargu Kyç: <i>Luka 2:7</i> Pjesa e Biblës: <i>Luka 2:1-7</i></p>
PARAQITE	<ul style="list-style-type: none">• Flisni se si planet mund të ndryshojnë në minutën e fundit. Jepni një shembull që lidhet me situatën tuaj, qoftë nga përvoja e fëmijëve ose nga përvoja juaj.• Shpjegoni se po afrohej koha kur do të lindte foshnja e Marisë. Do të kishte qenë më e lehtë nëse foshnja do të kishte lindur në Nazaret, atje ku jetonin Jozefi dhe Maria, por...
SHPJEGOJE	<ul style="list-style-type: none">• Perandori Romak nxori një urdhër për të gjithë njerëzit që të ktheheshin në vendet e tyre të lindjes për të regjistruar emrat në një listë. Jozefi dhe Maria duhet të udhëtonin në Bethlehem (Luka 2:1-5). <i>Jepni ndonjë ide të distancës së përfshirë – rreth 130 kilometra / 4 ditë udhëtim. Si do të kishte qenë një udhëtim kaq i gjatë? (Për fëmijët e Nivelit 2 mund të shtoni se ka qenë gjithmonë plani i Perëndisë që foshnja të lindte në Bethlehem!)</i>• Kur arritën, qyteti ishte plot me njerëz dhe ata s'mundën të gjenin një vend për të qëndruar. Kjo ishte shumë afër kohës kur foshnja e premtuar do të lindte. Atyre iu desh të qëndronin në një vend ku rrinë kafshët (Luka 2:6-7).• Kur lindi foshnja Jezus, e mbështollën me pelena dhe e vendosën në atë enë ku ushqeheshin kafshët ose në grazhd (Luka 2:6-7). <i>Përse e mbështollën Jezusin me pelena dhe e vendosën në një enë ushqimi të kafshëve? Ndhimoi fëmijët të vlerësojnë madhësitinë e fëmijës që lindi në një vend aq të ulët. Mund ta krahasoni me ardhjen e një fëmijë në kulturën ku jetoni.</i>• <i>Nuk kishte patur kurrë një Foshnjë tjetër si Jezusi. Ai është Biri i Perëndisë. Ai ishte i gatshëm të linte Qiellin dhe të lindte këtu në tokë për të na shpëtuar nga mëkati ynë (Mateu 1:21).</i>• <i>Ne duhet të kujtojmë se ky është qëllimi i Krishtlindjes dhe që duhet të falënderojmë Perëndinë për dashurinë e Tij që e dërgoi Shpëtimtarin.</i> <p>Plotësoni mësimin Eksploro Biblën. Tregoje: FBI – Lindja e Jezusit, gjithashtu Powerpoint www.bibleforchildren/the birth of Jesus.</p>
MËSOJE	Mëso dhe shpjego në rastet e nevojshme Vargun Kyç – Luka 2:7
KUJTOJE	<ul style="list-style-type: none">• Kush ishte e martuar me Jozefin?• Ku jetonin Maria dhe Jozefi?• Ku udhëtuan Jozefi dhe Maria?• Përse ishin Jozefi dhe Maria në Bethlehem?• Përse pushuan ata në një vend ku mbaheshin kafshët?• Ku e vendosën Foshnjën Jezus?• Pse ishte i veçantë Jezusi?• Përse ne kemi nevojë për një Shpëtimtar?

Udhëzime për vlerësimin e mësimeve

MËSIMET PËR NIVELIN 1:

- Një faqe (ose dy në broshurat) për çdo javë që përfshijnë kryesisht ngjyrosje dhe plotësim të vetëm pak fjalëve.
- Dhjetë pikë janë caktuar për çdo javë me një maksimum prej 40 pikësh për muaj.
- Fëmijët që marrin mësimet për Nivelin 1 nuk pritët që të jenë të gjendje të lexojmë shumë mirë dhe prsim që prindërt / kujdestarët / drejtuesit t'i ndihmojnë ata.
- Ne caktojmë 2 pikë për përgjigje dhe balancën për ngjyrosjen = 10 pikë për çdo mësim.

MËSIMET PËR NIVELIN 2:

- Dy faqe për javë (4 në broshurat).
- Tregimi përfshihet brenda mësimit. Studentët duhet të gjejnë fjalë të ndryshme për mësimin, të bëjmë ca ngjyrosje, të plotësojnë vargun kyç etj.
- Njëzet pikë janë caktuar për çdo javë me një maksimum prej 80 pikësh për muaj, kur mësimet plotësohen saktë.

VLERËSIMI PËR EKSPLORO BIBLËN

NDIHMA PËR VLERËSIMIN

Mësuesve u kërkohet, së pari:

- Të kontrollojnë çdo mësim dhe të shënojnë saktë ose gabim përgjigjet.
- Të shpërblejnë pikët e nevojshme siç janë udhëzuar.
- Vlerëso gjithnjë me një ngjyrë të theksuar dhe vendos SHENJËN (✓) për çdo përgjigje të saktë.
- Shkruaj përgjigjen e saktë, kur është e nevojshme dhe korrigjo çdo gabim drejtshkrimi, ndonëse nuk zbritet ASNJË pikë prej këtyre.
- Jep më pak pikë për përgjigjet pjesërisht të sakta.
- Shto totalin për muajin dhe shkruaje këtë në faqen e mbrapme në hapësirën e caktuar.

Është e nevojshme që të jemi mjaft bujar dhe të bëjmë gjithçka të mundshme për të inkurajuar studentët me Studimin e tyre të Biblës. Është e dobishme, atje ku është e mundshme që mësuesi të shkruajë një fjalë inkurajimi për studentin dhe ka një hapësirë të caktuar për këtë në fletën e mësimit. Mund të bëhen komente për ngjyrosje të mira, për pastërti, për pikë të arritura, për të kuptuarit e mësimit nga studenti etj.

Ne përpiqemi të kemi komente sa më të larmishme. Pyetjet, pohimet, vëzhdimet, inkurajimet etj., mund të përdoren që të gjitha për të patur larmishmëri. Kërkon mprehtësi, por është e rëndësishme që të mbajmë gjallë interesimin e studentit. Nëse çdo muaj përsëritet i njëjti pohim ose e njëjta pyetje, kjo e humbet ndikimin.

NIVELI 1

Komente të përgjithshme

“Ana – jam shumë i gëzuar që i ke filluar këto mësime dhe shpresoj që të pëlqejnë. Më pëlqejnë ngjyrosjet që bën. A shkon në shkollë? Më trego për këtë. Duke pritur shumë që të dëgjoj së shpejti nga ty.”

“Të lumtë, Matias. Super ngjyrosjet! Ishte e vështirë të qëndroje brenda vijave? Thjesht harrove të ngjyrosje një pjesë të vogël në mësimin e kaluar.”

Komente frymërore

“Të lumtë, Sidorela. Sa i lumtur ishte Jairo kur Jezusi e ndihmoi atë.”

“Përgjigje shumë të mira! Historia e vdekjes së Jezusit është e trishtueshme, por gjëja e gëzueshme është se Ai u ngrit sërish.”

NIVELI 2

Komente të përgjithshme

“Përgjigje shumë të mira prapë, Joana – Jam e sigurt që mësuesi yt është shumë i kënaqur me rezultatet e tua në shkollë!”

“Bledi, shoh që po të vjen ditëlindja së shpejti. Keni menduar për ndonjë gjë të veçantë? Çfarëdo që të bëni, ju uroj një ditë të mrekullueshme!”

“Je munduar shumë për të bërë mirë mësimin. Janë vetëm disa gabime të vockla. Mos harro të kontrollosh gjithmonë përgjigjet e tua.”

Komente frymërore

“Më pëlqen mënyra se si e ke ngjyrosur Foshnjën Jezus në grazhd. Sa mirë që Perëndia e dërgoi Atë në botë për ne!”

“Më pëlqejnë vërtet ngjyrat që ke përdorur! Zakaria vërtet duhet të qortohej që nuk i besoi asaj që i tha Perëndia. Ai nuk e dyshoi kurrë më Fjalën e Perëndisë.”

“Përgjigje të shkëlqyera. Burri që e takoi Filipin në shkretëtirë u largua vërtet i gëzuar. Ai kishte dëgjuar dhe besuar lajmin e mirë për Jezusin.”



© Bible Educational Services 2019
(Shërbimet Edukative Biblike)

www.besweb.com

Registered Charity UK 1096157

Version: 01/2020